

An Exposition of the
Seven Church Ages

Chapter One

Tshenolo Ya Ga Jeso Keresete

Tshenolo Ya Ga Jeso Keresete (Tshenolo 1:1-20)

Tshenolo ya ga Jesu Keresete, e Modimo o e mo neileng, gore a e bontshe batlhanka ba gagwe, e bong ya dilo tse di tlaa akofang di dirafala; mme a roma moengele wa gagwe, a e bolelela Johane motlhanka wa gagwe:

Yo o supileng ka ga lefoko la Modimo, le ka ga tshupo ya ga Jesu Keresete, ke go re ka ga dilo tsothe tse o di bonyeng.

Go sego yo o balang, le ba ba utlwang mafoko a polelelopele e, ba ba ba boloka dilo tse di kwadilweng mo go yone: gonne lobaka lo atametse.

Nna Johane, ke kwalela diphuthago tse supa tse di mo lefatsheng la Asia, ka re: Tshegofatso e nne le lona le kagiso tse di tswang kwa go yo o gone, le yo o neng a ntse a le gone, le yo o tlaa tlang; le e e tswang mo Meweng e supa, e e fa pele ga setulo sa bogosi;

Le mo go Jesu Keresete, yo e leng ene mosupi yo o ikanyegang, wa motsalwapele wa baswi, le molaodi wa dikgosi tsa lefatshe. Ene yo o re ratang, a re golola mo dibeng tsa rona ka madi a gagwe,

A re dira go nna bogosi le go nna baperesiti ba Modimo wa gagwe le Rraagwe; a kgalalelo e nne go ene, le puso ka bosakhutleng le ka bossaengkae. Amen.

Bonang, o etla a le mo marung; matlho otlhe a tlaa mmona, le ba ba mo tlhabileng; le ditso tsothe tsa lefatshe di tlaa mo leba di lela. Fela jalo, Amen.

Ke nna Alefa le Omega," go bua Morena Modimo o o gone, le o o ntseng o le gone, le o o tlang, e bong Mothatayotlhe.

Nna Johane, mogalona, le yo ke tlhakanetseng le lona pitlagano ya ga Jesu, le bogosi, le bopelotelele jwa gagwe, ke ne ke le mo setlhakeng se go tweng Patemose, ka ntlha ya lefoko la Modimo le tshupo ya ga Jeso Keresete.

Ke ne ke le mo Moweng ka letsatsi la Morena, mme ka utlwa lentswe le legolo kwa morago ga me, e kete la lonaka,

le bua, le re: "Se o se bonang, o se kwale mo lokwalong, mme o lo tsamaisa le diphuthago tse supa; e bong kwa Efeso, le kwa Semurena, le kwa Peregamo, le kwa Thiatira, le kwa Saredise, le kwa Filatelefa, le kwa Laodikea.

Mme ka retologa, ka re ke bona lentswe le le mpuisang. Mme ya re ke retologile ka bona ditlomo tsa gouta di supa tsa dipone;

Mme mo gare ga ditlomo ga bo go le mongwe yo o tshwanang le Morwa Motho, a apere kobo e e fitlhang kwa dinaong, a itlamile mo magetleng ka moitlamo wa gouta.

Tlhogo ya gagwe ya bo e le tshweu le moriri wa gagwe, jaaka boboa jo bosweu, go le gosweu jaaka kapoko; matlho a gagwe a bo a ntse jaaka kgabo ya molelo;

Dinao tsa gagwe di ntse jaaka kgotlho e e gotlhilweng, jaaka e kete e ntlafaditswe mo leubeng; lentswe la gagwe ya bo e kete go suma ga metsi a le mantsi.

A bo a tshotse dinaledi di supa ka seatla sa gagwe se segolo; mo molomong wa gagwe ga bo go tswa tshaka e e lootsegileng, e e magale mabedi; sefatlhogo sa gagwe sa nna jaaka letsatsi fa le phatsima ka thata ya lone.

Ya re ke mmona ka wela fa dinaong tsa gagwe, ke ntse jaaka moswi fela. A mpaya seatla sa gagwe se segolo a re: "O se ka wa boifa; ke nna wa ntlha le wa bofelo,

E bile ke nna Motshedi; ke ne ke sule, mme bonang, ke tshedile ka bosakhutleng; ke tshotse dikopololo tsa loso le tsa Bobipo.

Ke gone o kwale dilo tse o di bonyeng, le dilo tse di le yong, le dilo tse di tlaa namang di dirafala;

Masaitsegeng jwa dinaledi tse supa tse o di bonyeng mo seatleng sa me se segolo, le jwa ditlomo tsa dipone tse supa tsa gouta. Dinaledi tse supa ke baengele ba diphuthago tse supa; le ditlomo tse

supa tsa dipone ke diphuthego di supa.

Ketapele Ya Kgaolo Ya Ntlha

Tshenolo 1:1-3.

“Tshenolo ya ga Jesu Keresete, e Modimo o e mo neileng, gore a e bontshe batlhanka ba gagwe, e bong ya dilo tse di tlaa akofang di dirafala; mme a roma moengele wa gagwe, a e bolelela Johane motlhanka wa gagwe;

Yo o supileng ka ga lefoko la Modimo, le ka ga tshupo ya ga Jesu Keresete, ke go re ka ga dilo tsotlhe tse o di bonyeng.

Go sego yo o balang, le ba ba utlwang mafoko a polelelopele e, ba bo boloka dilo tse di kwadilweng mo go yone; gonne lobaka lo atametse.”

Mokwadi (eseng mosimolodi) wa lekwalo le ke Moitshephi Johane wa semodimo. Bakwala ka ditiragalo ba dumela gore mo malatsing a gagwe a bofelo o ne a nna kwa Efeso, le fa ntswa ka nako ya fa lokwalo le le neng le kwalwa a ne a le kwa setlhakeng sa Patemose. Ga se polelo ka botshelo jwa ga Johane, mme ke Tshenolo ya ga Jeso Keresete mo dipakeng tsa dikereke tsa isago. Mo temaneng ya boraro e biditswe seprofeso, mme seo ke sone se eleng sone.

Lokwalo le gantsi le bidiwa Tshenolo ya ga Moitshephi Johane, mme seo ke phoso. Ke Tshenolo ya ga Jeso Keresete go Bakeresete ba dipaka tsotlhe e e neng ya neelwa Johane. Ke lone fela lokwalo mo Baebeleng yotlhe le le kwadilweng ke Jeso ka sebele, ka go tla a bonafala fa mokwading.

Ke lekwalo la bofelo la Baebele, mme ntswa le bolela ka tshimologo le bokhutlo ba dinako tsa Efangedi.

Jaanong Tshenolo ka segerika ke “apocalypse” le le rayang “go Sirolola”. Go sirololwa mo go tlhalosiwa sentle mo sekaing sa fa mmetli wa setshwantsho se se betlilweng a bipolola tiro ya gagwe ya petlo, a e supegetsa balibi. Ke go apola, go senola se se neng se se fitlhegile. Jaanong go apola ga se tshenolo fela ya Motho wa Keresete, mme ke TSHENOLO YA DITIRO TSA GAGWE TSA ISAGO MO DIPAKENG TSA DIKEREKE TSE SUPA TSE DI TLANG.

Botlhokwa jwa tshenolo ka Mowa mo modumeding wa nnete ga go ka ke gatwe bo gateletswe gantsi. Tshenolelo e botlhokwa mo botshelong jwa gago go gaisa gongwe temogo ya gago. Jaanong ga ke bue ka Lokwalo le la Tshenolo le wena. Ke bua ka tshenolo YOTLHE. E botlhokwa fela thata mo kerekeng. A le gakologelwa Mathaio 16 fa Jeso a botsa barutwana potso e,

“Ana batho ba tle ba re nna Morwa Motho ke mang?”

Mme ba ne ba re, Bangwe ba re Johane Mokolobetsi: ba bangwe ba re, Elija; le ba bangwe ba re ,Jeremia, kgotsa mongwe wa baperofeti.

Mmea ba raya a re, lona lwa re nna ke mang?

Mme Simone Petere a mo fetola a re O Keresete, Morwa Modimo o o tshedileng.

Jesu a mo fetola a re, O sego, Simone morwa Jona; gonne ga o a go senolelwa ke nama le madi, fa e se ke Rre yo o kwa legodimong.

Le nna ke go raya ke re, O Petere, mme ke tlaa aga phuthego ya me mo lefikeng le; mme dinonofa tsa Bobipo ga di ketla di e fenya.”

Ba kereke ya Roma ya Sekatuliki bare kereke e agilwe mo godimo ga ga Petere. Jaanong moo go senama tota. Modimo o ka aga kereke ya gagwe jang mo mothong yo o sa iketlang jalo yo o neng a itatola Morena Jeso gape a mo hutsa jaaka a mo itatola? Modimo ga a kake a aga kereke ya Gagwe mo mothong ope yo o tsetsweng mo sebeng. Gape e ne e se letlapa le le neng le rapaletse foo jaaka o kare Modimo o ne a itshepisa lefatshe mo lefelong le letlapa leneng le le fa go lone. Mme ga se jaaka Ba Maporotesetanta ba bua , gore kereke e agilwe mo godimo ga ga Jeso. Ene e le TSHENOLO. E bale ka fa e kwadilweng: “Nama le madi ga di a e SENOLA, GA E SA SENOLWA KE RRE, gape MO GODIMO GA LEFIKA LE (REVELATION) KE TLA AGA KEREKE YAME:” Kereke e agilwe mo Tshenolelong ya, “Go Bua Morena”.

Abele o itsile jang gore a dire eng gore a fe Modimo setlhabelo se se tshwanetseng? Ka tumelo o ne a amogela tshenolo Ya madi. Kaene o ne a seka a nna le tshenolo eo (le fa a ne a ne a na le taelo) jalo o ne a seka a fa stlhabelo se se siameng. Ene e le tshenolo e e tswang kwa Modimong e e dirileng parologanyo gape ya neela Abele botshelo jo bo sa khutleng. Jaanong o ka tsaya se moruti a se buang, kana se barutintshi ba kwa borutelong jwa tumedi ba se buang, le ntswa o ka rutiwa ka manonthotho, go fitlhelela Modimo a go senolela gore Jeso ke Keresete, gape gore ke madi a a go tlhatswang sentle, le gore Modimo ke Mmoloki wa gago, ga o ketla o nna le botshelo jo bo sa khuteng. Ke tshenolo ya Semowa

e e dirang jalo.

Jaanong ke rile Lokwalo la Tshenolo ke tshenolo ya ga Jeso le se a se dirang mo dikerekeng tsa dipaka tseo tse supa. Ke tshenolo ka gore barutwana, ka bobone, ba ne ba sa itse nnete e e kwadilweng e. E ne ise e senolwe pele mo go bone. Le gakologelwa gore ba ne ba tla kwa go Jeso mo Lokwalong la Ditiro mme ba MMotsa ba re, "A o busetsa Iseraele bogosi ka baka lono?" O ne a re, "Ga se ga lona go itse metlha kgotsa dipaka, tse Rara o di ipeetseng mo thateng ya gagwe." Banna bao ba ne ba ntse ba akanya ka Jeso a na le puso e e mo lefatsheng. Mme e ne e le puso ya semowa e a neng a tsile go e tlhoma. Le ene o ne a sa kgone go ba bolelela ka maemo a Gagwe mo go yone, gonne Rara o ne a ise a go Mo senolele. Mme morago ga loso le tsogo ya Gagwe, mme ka nako e mo bodireding jwa botshereganyi jwa gagwe, o na le bokgoni jwa go tlhoma mo tshenolong e ya Gagwe mo go Johane gore kgalalelo le boleng teng jwa Gagwe mo kerekeng bo raya eng gape bo tla dira eng.

Mo tshenolong e o re bolelela gore bofelelo jwa ga diaboile ke eng. O bolela ka fa a tla berekanag le diaboile ka teng le go mo latlhelang mo lekadibeng la molelo. O senola phelelo ya moikepi yo o salang Satane morago. Mme Satane tlhoile seo.

O o kile wa lemoga ka fa Satane a tlhoileng dikwalo tse pedi mo Baebeleng go gaisa tse tsotlhe? Ka baithutabomodimo ba kgololesego le baitsaanape o nna fela a tlhasela Lekwalo la Genesis le Lekawlo la Tshenolo. Mo bobeding jwa tsone dikwalo tse re fitlhela tshimologo ya ga Satane, le ditsela tse di makgaphila tsa gagwe le nyeletso ya gagwe. Ke sone se a di tlhaselang. O tlhoile go bipololwa, mme mo dikwalong tseo o bipolotswe go supa se a leng sone tota. Jeso o ne a re ka ga Satane, "Ga a na karolo mo go Nna gape Ga ke na karolo mo go ene." Diaboile o tla rata go rurufatsa ka parologano; mme ga a ka ke, jalo o dira tshotle tse a ka di dirang go nyeletsa tshepo mo Lefokong. fMme fa kereke e sa dumele Satane mme ya bo e dumela Mowa wa tshenolo ya Lefoko, dinonfo tsa Bobipo ga di ketla di e fenya.

Mme ke akgele fa go tswa mo bodireding jwa me, fa le sa kgatlhale. Lotlhe le itse gore mpho e e mo botshelong Jwame e fetile tlhologo. Ke mpho e e leng gore Mowa o o Boitshepho o kgona gotlhatlhoba le go lemoga malwetse, le dikakanyo tsa dipelo tsa batho, le dilo tse dingwe tse di fitlhegileng tse Modimo a le nosi a ka di itseng mme a bo a di ntshenolela. Ke eletsa gore le ka ema le nna la bona difatlhego tsa batho fa Satane a lemoga gore o tsile go senolwa. Jaanong, ga se batho ba ke buang ka ga bone. Ke Satane yo o tshwereng matshelo a bone ka sebe, le go tlhoka gokgatlhala., le malwetse. Mme o tshwanetse go bona difatlhego tsa bone. Satane o itse gore o tsile go senolwa, mme difatlhego tsa bone di nna lediphetogo tsa ditebego tse di sa tlwaelesegang. Satane o a tshaba. O itse gore mowa wa Modimo o tloga o letlelela batho go itse ditiro tsa gagwe. Ke sone se a tlhoileng bokopano jo thata. Fa maina a malwetse a bitswa le malwetse a senolwa, Satane ga a rate seo. Jaanong se keng? Ga se go bala megopolo, ga se tekeletso, kana boloi. Ke TSHENOLO ka Mowa o o Boitshepho. Ke yone tsela fela e ke ka e itseng ka yone. Ee tlhologanyo ya senama e tla bitsa sepe fela fa e se Mowa o o Boitshepho.

Tla ke le supegetse lebaka le lengwe la gore keeng Satane a tlhoile Lokwalo la Tshenolo ya ga Jeso Keresete mo kerekeng. O itse gore Jeso Keresete o tshwana maanbane, le letsatsi leno, le ka bosakhutleng, gape ga a fetoge. O itse gore go le gontsi go gaisa diperesente di le masome a ferabongwe tsa barutabodumedi ba ka itse. O itse gore e re ka Modimo a sa fetoge ka tlhologo ya Gagwe jalo Ga a fetoge fela jaaka ditsela tsa gagwe. Ka jalo Satane o itse e le ruri gore kereke ya matlhomo kwa Pentekosete e e neng e na le maatla a Modimo (Mareko 16 a le mo tirong) ke Kereke ya Nnte e Jeso a bolelang gore ke ya gagwe. Tsotlhe ga se tsa nnete. go tshwanetse ga nna jalo.

Jaanong gakologelwang se. Keresete mo Kerekeng ya Nnete ke tsewediso ya lokwalo la Ditiro. Mme lokwalo la Tshenolo le supa ka ga mowa wa moganetsakeresete a tla tlang o tsena mo kerekeng mme o e senye, o edira bololo, loleya le go tlhoka maatla. E senola Satane, e senolo ditiro tsa gagwe (ke maiteko a gagwe a go nyeletsa batho ba Modimo le go nyatsa lefoko la Modimo) go tloga gale go fitlhelela a latlhelwa mo lekadibeng la molelo. O lwantsha seo. Ga a kgone go emela seo. O itse gore ga batho ba ka nna le TSHENOLO YA NNETE ya KEREKE YA NNETE le gore ke eng, le gore e emetse eng le gore E KGONA GO DIRA DITIRO TSE DI KGOLO, E tla nna batlhabani ba ba sa bonaleng. Ga ba tshwara tshenolo ya nnete ya mewa e mebedi e e berekang mo kerekeng ya Bakeresete mme ka Mowa wa Modimo ba tlhathobe gape balwantsha mowa wa moganetsakeresete, Satane o tla tlhoka maatla. O tla phuphama ka tota letsatsi leno jaaka ga Keresete a ne a lwantsha maiteko a gagwe a go nna le maatla godimo ga Gagwe kwa sekakeng. Ee Satane ga a rate tshenolo. Mme re a e rata. Fa re na le tshenolo mo matshelong a rona, dinonfo tsa Bobipo ga di ketla di re fenya, mme re tla di fenya.

Le tla gakologelwa gore kwa tshimologong ya molaetsa o ke ne ka umaka gore Lokwalo le re le ithutang le ke tshenolo ya ga Jeso, ka Boene, mo kerekeng le diriro tsa Gagwe mo dipakeng tsa isago. Go tswa foo ka bo ke umaka gore go tsaya Mowa o o Boitshepho go refa tshenolo e seng jalo re tla palelwa ke go tshwara. Go tsa megopolo e mebedi e mmogo le tla lemoga gore ga go tseye fela go ithuta mo go tlwaelesegileng gore Lokwalo le senolege le lenne la mmatota. Go tsile go tsaya tiro ya Mowa o o Boitshepho. Go raya gore Lokwalo le ga le kake la senolelwa ope fela ga e se setlhopho sa batho ba ba kgethegileng. Go tla tsaya ope fela yo o nang le tshedimotsetso ya seperofeso. Go tla tlhoka bokgoni jwa

go utlwa Modimo. Go tla tlhoka taelo ya sefetatlholego, e seng fela moithuti yo o tshwantshanyang temana le temana, le fa etswa moo go siame. Mme masaitseweng a tlhoka thuto ya Mowa e seng jalo ga a kake a tlhola e sedimosega. Ka fa re tshwanetseng go utlwa gotswa kwa Modimong le go nna re butse dipelo tsa rona le go ineela mo Moweng go utlwa le go itse.

Jaaka ke setse ke buile, Lokwalo le (Tshenolo) ke bokhutlo jwa Ditemana. E bile le beillwe gone fela mo lenaaneng la Ditemana; kwa bokhutlong. Jaanong o ka itse gore ke eng fa le re ope fela yo o le balang kana a le utlwa o segofaditswe. Ke tshenolelo ya Modimo e e tla gofang taolo godimo ga ga diabole go mo fenyā. Mme le kgona go lemoga lebaka la gore ke eng fa ba ba tla le oketsang kana ba le fokotsa ba tla bo ba huditswe. Go tla tshwanela ke gore go nne jalo, go nne ke mang yo o ka oketsang kana a fokotsa mo tshenolong e e itekanetseng ya Modimo mme a bo a fenyā mmaba? Go motlhogo fela jalo. Ga go na sepe se se tshwanang le maatla a a fenyang jaaka tshenolo ya Modimo. Le a boa, mo temaneng ya boraro go boletswe tshgofatso mo go ba ba fang Lokwalo le kelotlhoko e e kgethegileng. Ke akanya gore se se kaya mokgwa wa kgolagano e Kgologolo fa baperesiti ba ne ba balela phuthego Lefoko mo mosong. Le a bona, bontsi bo ne bo sa kgone go bala jalo moperesiti o ne a tshwanelwa ke go ba balela. Fela ga e ne e le Lefoko, tshgofatso e ne e le teng. Go ne go sa kgatlhalesege fa le ne le balwa kana le reediwa.

“Nako e gaufi” Nako e ne e se gaufi nako e e fetileng. Mo botlhaleng le itsholelong ya Modimo tshenolo e kgolo e (lefa e itsiwe ka botlalo ke Modimo) e ne e sa kake ya tla go fitlhela gompiano. Ka jalo ka bonako re ithuta molaomotho—tshenolo ya Modimo ya paka nngwe le nngwe e katla fela mo pakeng eo, le ka nako e e kgethegileng. Lebelelang ditso tsa Iseraele. Tshenolo ya Modimo kwa go Moshe e tsile fela ka nako e e kgethegileng ya ditso, mme e bile ka go tlhamalatsa e tsile fa batho ba ne ba lelela kwa Modimong. Jeso ka boene, o tsile ka botlalo jwa nako, Ene e le Tshenolo e e feletseng ya Bomodimotota. Mme mo pakeng e (Laodikea) tshenololo ya Modimo e tla tla ka nako ya yone. Ga e kake ya reketla, e bile ga e kake ya tlaela kgolo. Akanyang ka se gape le se sekegele tsebe sentle, go nne re mo nakong ya bofelo mo nakong eno.

Tumediso.

Tshenolo 1:4-6.

“Nna Johane, ke kwalela diphuthego tse supa tse di mo lefatsheng la Asia, ka re: Tshgofatso e nne le lona le kagiso tse di tswang kwa go yo o gone, le yo o neng a ntse a le gone, le yo o tlaa tlang; le e e tswang mo Meweng e supa, e e fa pele ga setulo sa bogosi;

Mme go tswa mo go Jeso Keresete, yo e leng ene mosupi yo o ikanyegang, wa motsalwapele wa baswi, le molaodi wa dikgosi tsa lefatshe. Ene yo o re ratang, a re golola mo dibeng tsa rona ka madi a Gagwe.

Mme a re dira go nna bogosi le go nna baperesiti ba Modimo wa gagwe le Rraagwe; a kgalalelo e nne go ene, le puso ka bosakhutleng le ka bosaengkae. Amen.”

Lefoko, Asia, tota le raya kwa Asia Minor. Ke lefelonyana le le nyenyane le le selekanyo se ka nnang jaaka sa Indiana. Dikereke tse supa tsa koo di ne di tlhophilwe ka mekgwa ya tsone go tswa mo dikerekeng tse dingwe ka mekgwa ya tsone e e leng gore e fitlhelwa mo dipakeng tsa dingwaga tse di tla latelang mo lebakeng le le tlang.

Mewa e e supa e e fa pele ga setulo sa bogosi ke Mowa o o neng o le mo barongweng ba ba supa, o fa mongwe le mongwe wa bone bodiredi jwa paka e a tshidileng mo go yone.

Jaanong tsotlhe ditlhaloso tse, eleng, 'Ene Yo o', le 'Ene Yo o Neng', le 'Yo o Tla Tlang', le 'Mosupi yo o Boikanyego', le 'Motsalwa pele go tswa mo Baswing', le 'Kgosana ya Dikgosi tsa Lefatshe', le 'Alefa le Omega', le 'Mothatayotlhe', ke ditlhogo le ditlhaloso tsa MOTHO YO O TSHWANANG A LE MONGWE, Yo eleng Morena Jeso Keresete, Yo o re tlhatswitseng mo dibeng tsa rona mo mading a Gagwe.

Mowa wa Modimo mo go Johane o tlhalosa ka jalo go tlhoma bogolo jwa Bomodimo jwa ga Jeso Keresete le go senola Bomodimotota jaaka Modimo a le MONGWE. Mo nakong eno gona le phoso e kgolo. Ke gore go na le Modimo e le meraro boemong jwa a le mongwe fela. Tshenolo e jaaka e filwe Johane ke Jeso, ka Boene, e baakanya phoso eo. Ga se gore go na le Modimo e le meraro, mme go na le Modimo a le mongwe fela yo o nang le borede bo le boraro. Go na le Modimo a le MONGWE ka ditlhogwana tse tharo, Rara, Morwa le Mowa o o Boitshepo. Tshenolo e kgolo e ke se kereke ya kwa tshimologong e ne e na le yone, mme e tshwanelwa ke go buselediwa mo malatsing ano a bofelo ga mmogo le molaomotho wa kolobetso ya nnete e e siameng.

Jaanong baruta ithutelo tumedi ba bosheng ga ba kake ba dumalana le nna ka gore fano go ne go kwadilwe mo makasineng o mogolo wa Bakeresete. “Thuto e o (ka Boraro mo bongweng) e mo pelong gape ke konokono ya kgolagano e Kgologolo. Ke karolo yotlhe jaaka e le mo bogareng jwa pelo le konokono ya kgolagano e Ntshá. Kgolagano e Ntshá e kgalwa fela jaaka e Kgolagano e Kgologolo ka

kakanyo ya gore go na le Medimo e feta bongwe. Entswa Kgolagano e Ntshá ka go tlhatswega mo go tshwanang e ruta gore Rara ke Modimo, le Morwa ke Modimo, le Mowa o o Boitshepho ke Modimo, le gore boraro jo GASE diponalo tse tharo tsa motho a le mongwe, mme batho ba bararo ba eme mo boammaaruring jwa motho a sikana le yo mongwe. Koo re na le thuto e kgolo ya batho ba bararo mme Modimo a le mongwe fela.”

Ba bolela gore gape, “Go ya ka Baebele, Modimo, ga se motho a le mongwe fela, mme ke batho ba bararo mo Modimong a le mongwe. Ke o ne masaitseweng a magolo a Boraro mo bongweng”.

E le ruri ke one. Batho ba le bararo ba ka nna Modimo a le mongwe jang? Eseng fela gore ga gona Baebele e e supang jalo, mme go supa go tlhoka go akanya mo go botlhale. Batho ba ba raro ba ba kgethegileng, le fa ba dirilwe ka selo se se tshwanang, go dira medimo e meraro, kana puo yotlhe e latlhegetswe ke boleng.

Reetsa mafoko a gape, “Ke nna ene Alefa le Omega,”Tshimologo le Bokhutlo go bua Morena Modimo o o gone, le o o ntseng o le gone, le o o tlang, e bong Mothatayotlhe”. Se ke BoModimo. Se gase fela moperofeti, monna. Mo ke Modimo. Gape gase tshenolo ya Medimo e meraro, mme ke ya Modimo a le MONGWE, eleng Mothatayotlhe.

Ba ne ba sa dumele mo Modimong e meraro kwa tshimologong ya kereke. Ga o kake wa fitlhela tumelo ya mofuta o o magareng ga baaposetole. E ne ele morago ga paka ya baapasetole e tumelo e neng ya tsena mme e ne ya nna kgang ya moruthutha gape ya nna dithuto tsa makadinale kwa Nicene Council. Thuto ya Modimo tota e ne ya baka kgaogano gonna makoko a mabedi kwa Nicaea. Gape gotswa mo kgaoganong eo go ne ga tswa makoko a mabedi a a farologaneng gotlhelele. E nngwe e ne ya felela e dumela mo medimong e mentsintsi, ba dumela mo Modimong e meraro, mme babangwe ba ne ba dumela mo bongweng. Ee e ne e tla ka bonya go re e etle, mme e ne ya tla, mme re na le yone gone mo nakong eno. Mme tshenolo ka Johane ka Mowa go ya kwa diikerekeng e ne e le, “Ke Morena Jeso Keresete, me ke gone GOTLHE. Ga gona Modimo o mongwe”. Mme o tsentse sekano sa Gagwe mo Tshenolong e.

Akanyang ka se: Ke mang yo eneng e le rragwe Jeso? Mathaio 1:18 ya re, “O ne a fitlhelwa a ithwele ga Mowa o o Boitshepo”. Mme Jeso, ka Boene, o ne a bolela gore Modimo e ne e le Rraagwe. Modimo Rara le Modimo Mowa o o Boitshepho, jaaka re tlhola re bua mafoko a, go dira Rara le Mowa gonna BONGWE. Ele ruri ke selo se le sengwe, go seng jalo Jeso o ne a na le Borraagwe ba le babedi. Mme elangtlhoko gore Jeso o ne a re Ene le Rraagwe ba ne bale bangwe—e seng bobedi. Moo go dira Modimo a le MONGWE.

E re ka se se le nnete go ya ka ditso le ka fa ditemaneng, batho ba ipotsa gore boraro bo dule ko kae. E ne ya nna thuto ya motheo kwa Nicene Council ka 325 A.D (morago ga botsalo jwa ga Jeso). Boraro jo (gotlhelele ga se lefoko le le ka fa ditemaneng) bo ne bo ikaegile ka medimo e mentsi ya kwa Rome. Baroma ba ne ba na le badimo ba bantsi ba ba neng ba ba rapela. Bane gape ba rapela badimo jaaka batshereganyi. E ne e le fela kgato go bitsa badimo ba bone ba bogologolo maina a masha, jalo re na le baitshephi go go dira gore go nne o kare go ka fa Baebeleng. Ka jalo, boemong jwa Jupiter, Venice, Mars, le ba bangwe, re na le Paulo, Petere, Fatima, Christopher, le ba bangwe. Ba ne ba sa kgone go dira gore bodumedi jwa seheitane jwa bone gore bo bereke ka Modimo a le mongwe fela, kajaloba mo kgaoganyana ga raro, mme ba dira barapeledi ba baitshephi jaaka ba ne ba dirile barapeledi ba badimo ba bone.

Ga e sale gone foo batho ba paletswe ke go lemoga gore go na le Modimo a le mongwe fela ka ditlhogwana tse tharo kana ditshupo. Ba itse gore gona le Modimo a le mongwe go ya ka Ditemana, mme ba leka go go dira dikgopolo the di molemo gore Modimo o tshwana jaaka ngata ya moretlwa wa sekgoa; batho ba bararo ba na le bomodimo bo bo kgaogantsweng ka go lekana ke botlhe. Mme e papametse fa mo go Tshenolo gore Jeso ke “Yo O gone”, “Yo O neng A le gone”, le “Yo o Tla Tlang”. Ke “Alefa le Omega”, mo go raya gore Ke “A goya kwa go Z” kana GOTLHE GA GONE. Ke sengwe le sengwe—e leng Mothatayotlhe. Ke sethunya sa Sharon, eleng sethunya sa Mokgatshá, Naledi e e Phatsimang ya Moso, Kala la ya tshiamo, Rara, Morwa, le Mowa o o Boitshepho. Ke Modimo, Modimo Mothatayotlhe. MODIMO A LE MONGWE.

Timotheo wa ntlha 3:16 a re, “Kwa ntle ga kgang, boteng jwa bosaitseweng jwa poifo Modimo bo bogolo; ke go re: Ene yo o bonaditsweng mo nameng, a siamisiwa ke Mowa, a bonwa ke baengele, a rerwa mo merafeng, a dumelwa mo lefatsheng, a tsholelediwa kwa kgalalelong”. Se ke se Baebele e se buang. Ga e unmake sepe ka motho wa ntlha kana wa bobedi kana wa boraro fa. E bua gore Modimo o ne a bonafaditswe mo nameng. Modimo a le Mongwe. MODIMO yo MONGWE yoo o ne a bonafadiwa mo nameng. Moo go tshwanetse go fetsa kgang. Modimo o tsile a le mo sebopegong sa motho. Mo ga go a ka ga mo dira MODIMO YO MONGWE. ENE ELE MODIMO, MODIMO YO O TSHWANANG. Ene e le tshenolo nako eo, gape ke tshenolo gompieno. Modimo yo MONGWE FELA

A re boeleng kwa morago mo Baebeleng mme re bone se a neng a le sone kwa tshimologong go ya

ka tshenolo e A e fileng ka ga Ene. Jehovah yo mogolo o ne a bonagala a le mo pilareng ya molelo mo Baiseraeleng. Jaaka Moengele wa Kgolagano O tshidile mo pilareng ya molelo eo mme a etelela BaIseraele pele letsatsi le letsatsi. Kwa tempeleng o ne a itsese go tla ga Gagwe ka leru le legolo. Mme letsatsi lengwe O ne a bonafadiwa mo mmeleng o o tshostweng ke lekgarejwana le le neng le baakanyeditswe Ene. Modimo yo o neng a agile fa godimo ga megope ya Baiseraele jaanong o ne a tsena mo mogopeng wa nama mme a nna jaaka motho magareng ga batho. Mme e ne e le MODIMO YO O TSHWANANG.

Baebale e ruta gore MODIMO O NE A LE MO GO KERESETE. MMELE e ne e le Jeso. Mogo Ene go ne go agile botlalo jotlhe jwa Bomodimotota, MO MMELENG. Ga gona sepe se se papametseng go feta seo. Ee,ke masaitseweng. Mme tota nnete—ga e kake ya papamala go feta fa. Jalo fa E ne ese batho ba bararo nako eo, Ga a kake a bo a le batho ba ba raro gompieno. MODIMO O MONGWE FELA: Mme Modimo ene yo o tshwanag o ne a bonafadiwa mo nameng.

Jeso o ne a re, “Ke tswa Kwa Modimong gape ke ya (boela) kwa Modimong”. Johane 16:27-28. Ke sone tota se se neng sa diragala. O ne A nyelela mo lefatsheng ka tsela ya loso, phiitlho, tsogo le tlhatlogo ya Gagwe. Mme Paulo o ne A kopana le ene mo tseleng go ya kwa Damaseko mme A bua le Paulo mme a re, “Saulo, Saulo, o mpogisetsang?” Paulo a re, “Omang, Morena?” A bo a re, “Ke nna Jeso.” E ne e le pilara ya molelo, e le lesedi le le fofatsang. O ne A boetse morago, sone tota se A rileng O tla se dira. A boetse mo popegong e a neng a le mo go yone pele ga A tsaya motlaagana wa nama. Ke gone tota ka fa Johane a neng a go bona. Johane 1:18 “Ga go motho ope yo o kileng a bona Modimo ka motlha ope; Morwa wa one yo o tsetsweng a le esi, yo o mo sehubeng sa ga Rara, ke ene yo o o boletseng”. Elangtlhoko fa Johane a reng Jeso KE. O MO sehubeng sa ga Rara.

Luke 2:11 ya re,

“Gonne gompieno mo motseng wa ga Dafite lo tsaletswe Mmoloki, yo e leng Keresete Morena”.

O tshotswe e le Keresete, mme morago ga malatsi a a boferabobedi O ne A rupisiwa O ne A bidiwa Jeso,fela jaaka moengele a ne a ba boletse. Ke tshotswe ke le wa goo RaBranham. Erile ke tsholwa ba ne ba mpha leina la William. Ene e le KERESETE mme O ne a fiwa leina fa magareng ga batho. Kago eo ya motlaagana wa kwantle e batho ba neng ba kgona go e bona e ne ebidiwa Jeso. E ne e le Morena wa Kgalalelo, Mothatayotlhe a bonafaditswe mo nameng. Ke Modimo Rara, Morwa, le Mowa o o Boitshepho. O tseo tsotlhe..

Rara, Morwa, le Mowa o o Boitshepho ke ditlhogo. Ga se maina. Ke sone se re kolobetsang mo Leineng la ga Morena Jeso Keresete, ka gore seo ke leina, e seng tlhogo. Ke leina le ditlhogo tseo, fela jaaka o tsaya ngwana yo e leng gone a tsholwang yo eleng morwa mme wa bo o mmita leina. Ngwana ke se a leng sone, morwa ke setlhogo, gotswa foo o bo o mmita , John Henry Brown. Ga o kolobetse fela mo 'Leineng la ga Jeso'. Go na le batho ba ba bidiwang Jeso ba le dikete tse dintsi mo lefatsheng mme ba sale ba nna teng le pele ga ga Jeso, Mmoloki wa rona. Mme go na le a le mongwe wa bone yo o tshotsweng e le Keresete, “Morena Jeso Keresete”.

Batho ba bua ka Jeso gore ke Morwa wa Botsakhutleng wa Modimo. Jaanong a moo ga se mo go ganetsanang le seo? Ke mang yo o kileng a utlwa ka Morwa wa bosakhutleng? Barwa ba na le tshimologo, mme se se sa khutleng ga se nke se nna le tshimologo. Ke Modimo wa Bosakhutleng (Jehofa) a bonafaditdwe mo nameng.

Mo Efangeleng ya ga Moitshephi Johane ya re,

“E rile mo tshimologong Lefoko a bo a ntse a le yo, mme Lefoko a bo a ntse a na le Modimo, mme Lefoko ya bo e le ene Modimo.”

O ne a le Mosupi yo o Boammaaruri le Boikanyego mo Lefokong la ga Rara la Bosakhutleng.. Ene ele Moperofeti gape o ne a kgona go bua se Rara a neng a Mo laela gore a se bue. O ne a re, “Rara o mo go Nna”. Ke se Jeso motlaagana a neng a se bua a re, “Rara o mo go Nna”.

Modimo o na le ditlhogo tse di ntsi: 'Ke Tshiamo ya Rona', le 'Ke Kagiso ya Rona', le 'Yoo Nnang A le Teng Ka Nako Tsotlhe', le 'Rara', le 'Morwa', le 'Mowa o o Boitshepho'; mme o ne a na le leina le le lengwe fela la setho mme leina leo ke Jeso.

O seka wa tsietsega ka gore o na le bodiredi jo boraro kana o bonafala ka ditsela tse tharo. Mo lefatsheng e ne e le Moperofeti; kwa legodimong Ke Moperesiti; gape fa a boela mo lefatsheng; Ke Kgosi ya Dikgosi. “Ene yo o neng A le gone”—Ke Jeso, eleng Moperofeti. Ene “Yo o gone”—Ke Ene, Moperesiti yo Mogolo, yo o re rapelelang a re letlanya le Modimo—Yo o amiwang ke makoa a maikutlo a rona. “Yo O Tlang”—Yoo ke Kgosi e e tlang. Mo lefatsheng Ene e le Lefoko—e le Moperofeti. Moshe o ne a re ka ga Ene, “Morena Modimo wa lona o tlaa le tsoetsa Moperofeti yo o tshwanang le nna, mme go tlaa dirafala gore fa ba sa reetse mafoko a Moperofeti yo o ba tla kgaolwa magareng ga batho”.

Elangtlhoko mabaka a kaga Jeso. Mo lefatsheng e ne e le Moperofeti, Kwana, le Morwa. Se gase a ka

sa mo dira gore A nne gararo. Dilo tse e ne e le diponagalo tsa gagwe kana bodiredi jwa Motho a le MONGWE, e leng Jeso.

Jaanong gona le karolo e ke e ratang thata ya Temana e ba ba dumelang mo borarong mo bongweng ba tsayang gore e rurufatsa ntlha ya bone ya gore ke Motho yo o nang le batho ba ba fetang bongwe mo go ene mo Modimongtota.

Ke Tshenolo 5:6-8,

“Mme ka bona, mme, mo gare ga setulo sa bogosi, le fa gare ga ditshidi tse nne, le mo gare ga bagolwane, ka bona Kwana a eme, a ntse jaaka e kete o bolailwe, a le dinaka di supa, le matlho a supa, a e leng Mewa e supa ya Modimo, e e romilweng mo lefatsheng lotlhe.

Mme A tla A tsaya lokwalo mo seatleng se seglo sa Yo o dutseng mo setulong sa bogosi.

Mme ya re a sena go tsaya lokwalo, ditshedi tse nne, le bagolwane ba masome mabedi le bone, ba wela fa pele ga Kwana, mongwe le mongwe a tshotse harepa, le megotšana ya gouta e tletse maswalo, a e leng merapelo ya baitshepi”.

E le ruri di temana tse, fa di di kgaogantswe, di nna o kare di rurafatsa kgang ya bone. Le elelthoko, ke rile, ditemana tse fa di KGAOGANTSWE.

Le fa gontse jalo, balang mo go Tshenolo 4:2-3 le 9-11,

“Mme ka bonako ka tloga ka tsenwa ke Mowa; mme bonang, ga bo go beilwe setulo sa bogosi mo legodimong, mme MONGWE a bo a dutse mo go sone setulo.

Mme Yo o dutseng O ne A fitlhelwa A tshwana le lentswe la jasepere le la saredio: mme ga bo go le motshe wa godimo mo tikologong ya setulo sa bogosi, o o reng o bonwa o bo o fitlhelwa o tshwana le lentswe la emerelete.

Mme e ne e tle e re ditshidi di isa kgalalelo le tlotlo, le malebogo mo go Ene Yo o ntseng mo setulong sa bogosi, Yo o tshelang ka bosakhutleng le ka bosaengkae,

Bagolwane ba ba masome mabedi le bone ba wele fa pele ga Yo o dutseng mo setulong sa bogosi, ba obamele Ene Yo o tshelang ka bosakhutleng le ka bosaengkae, mme ba latlhele dirwalo tsa bone fa pele ga setulo sa bogosi, ba re,

Go go tshwanetse Morena wa rona, le Modimo wa rona, o a bo o bona kgalalelo, le tlotlo, le thata; gonne o tlhodile dilo tsothe, di ne di le yo, tsa bopiwa ka ntlha ya go rata ga gago.”

Lemoga ka kelotlhoko gore temana ya bobedi ya re, “MONGWE” (eseng bobedi kana boraro mme BONGWE) one a dutse mo setulong sa bogosi. Mo temaneng ya bo 3 ya re, “O” (ESENG ba) lebega jaaka lentswe la jasepere. Mo temaneng ya 9 ya re dibatana di ne di fa tlotlo ko go “ENE” (eseng bone). Mo temaneng ya 10 ya re bagolwane ba ne ba wela fa fatshe fa pele ga “GAGWE” (eseng bone). Mo temaneng ya bo 11 ya re ba ne ba lela ba re, Go go tshwanetse MORENA” (eseng Barena). Gape mo temaneng ya bo 11 yare yo MONGWE mo setulong sa bogosi e ne e le “Mmopi”, Yo eleng Jeso (Johane 1:3), Yo e leng Jehovah-Mowa-Modimo wa kglagano e Kgologolo (Genesis 1:1).

Mme a re seka re ema foo. Jaanong balang mo go Tshenolo 3:21,

“Yo o fenyang, ke tlaa mo naya gore a dule le Nna mo Setulong Same sa Bogosi, fela jaaka le Nna ke fentse, mme ke dutse le Rre mo Setulong sa Gagwe sa Bogosi.”

A re baleng gape mo go Bahebere 12:2,

“re ntse re lebile kwa go Jeso, Mosimolodi le Mowetsi wa tumelo ya rona, Yo e rileng ka boitumelo jo o bo beetsweng pele A itshokela mokgoro, a nyatsa ditlhong, mme a dula ka fa ntlheng ya letsogo le legolo la Setulo sa Modimo sa Bogosi.”

Elanglthoko gore go ya ka Jeso, ka Boene, Yo o kwadileng Tshenolo, O ntse fa fatshe LE Rara. Mowa o o mogo Paulo (o o neng ele Mowa wa ga Keresete, gonne ke Mowa wa Seperofeso kwa Lefoko letswang gone) wa re O dutse fa fatshe ka fa LETSOGONG LE LEGOLO LA Modimo. Mme fa Johane a ne a leba o ne a bona fela a le “MONGWE” mo setulong sa bogosi. Mme go ne go se jalo go fitlhelela Tshenolo 5:6-8 (e e tlang fa morago ga Tshenolo 4:2-3 ka tatelano ya nako) gore re bona “Kwana” a tsaya lokwalo mo go “ENE” Yo o dutseng mo setulong sa bogosi, jaaka go supilwe mo go Tshenolo 4:2-3 le 9-10. Ke eng? Ke masaitseweng a “MODIMO A LE MONGWE.” Ene (Jeso), o dule mo Modimong, a bonafadiwa mo nameng, a swa mme a tsoga gape, mme a boela mo “Sehubeng sa ga Rara.” Jaaka Johane a ne a re, “Morwa yo o tsetsweng a le esi, YO o Mo sehubeng sa ga Rara, ke ene yo o o boletseng. Johane 1:18. E ne e le nako ya Modimo jaanong (Mesia) go boa a tla go tsaya monyadiwa wa Gagwe mme go tswa foo a bo a iponafatsa (A dira gore A itsiwe) kwa BaIseraeleng. Ka jalo re bona

Modimo a tla gape go nna le botsalano le motho a le "Morwa Dafite, Kgosi ya Dikgosi le Morena wa Barena, le Monyadi wa Monyadiwa wa Modtshaba." GA SE Medimo e e "Mebedi" , mme ke MODIMO ALE MONGWE a bonagatsa bodiredi jwa Gagwe jo bogolo jo boraro le ditlhogo.

Batho ba ne ba itse gore E ne e le Moperofeti. Ba ne ba itse sesupo sa ga Mesia se se neng se ka tla fela ka moperofeti. Johane 1:44-51,

"Jaana Filipo ya bo e le motho wa Bethesaita, motse wa ga gabo Anterea le Petere.

Filipo a ya a bona Nathanaele, a mo raya a re: "Re bonye ene yo Moše o kwadileng ka ga gagwe mo molaong, le bone baperofeti, e bong Jesu wa Nasaretha, morwa Josefe.

Mme Nathanaele a mo raya a re, A sengwe se se molemo se ka tswa Nasaretha? Filipo a mo raya are, Tla mme o bone.

Jesu a bona Nathanaele a tla kwa go ene, mme a bua ka ga gagwe a re: "Bonang Moiseralele wa boammarruri, yo go se nang boferefere bope mo go ene!

Nathanaele a mo raya a re, "O nkitsile jang? Jesu a mo fetola a re, E rile o le fa tlase ga mofeige, Filipo a ise a go bitse, nna ka go bona.

Nathanaele a mo fetola, a re, Rabi, o Morwa Modimo; o kgosi ya Iseraele.

Jesu a mo fetola a re, A o dumela ka gobo ke go reile ka re, Ke go bonye o le fa tlase ga mofeige? O tlaa bona dilo tse dikgolo bogolo go tse.

Mme a mo raya a re: "Ammaaruri, ammaaruri ke a lo raya, lo tlaa bona legodimo le atlhamologile, le baengele ba Modimo ba tthatloga, ba ba ba fologela mo go Morwa Motho."

Bokgoni jwa go lemoga dikakanyo mo dipelong tsa batho go dirile bakgethwa ba Modimo go tlhologanya gore fa e ne e le Mesia, eleng lefoko la Modimo le le tloditsweng.

Bahebere 4:12,

"Gonne lefoko la Modimo le tshedile, le tlhaga, le bogale go feta ditšhaka tsotlhe tse di magale mabedi, mme le tlhabe le ye go kgaoganya pelo le mowa, ditokololo le moko, le bofefo go lemoga megopolo le maikaelelo a pelo."

Fa mosadi yo o neng a le kwa sedibeng a mo utlwa a lemoga dikakanyo tsa pelo ya gagwe o ne a lemoga gore ke moperofeti, a bolela gore Mesia o tla itsiwe ka bokgoni joo jo bogolo.

Johane 4:7-26,

"Foo go tla mosadi mongwe wa Samaria go ga metsi; Jesu a mo raya a re: "A ko o ntshiele metsi".

(Gonne barutwana ba gagwe ba ne ba ile go reka nama kwa toropong).

Foo mosadi wa Samaria a mo raya a re: "Go ntse jang, wena o le Mojuta, o lopa go nwa mo go nna ke le mosadi wa Samaria? Gonne Bajuta ga ba etalane le Basamaria.

Jeso a mo fetola a re: "Fa o ka bo o ne o itse neo ya Modimo, le yo o go rayang a re: 'A ko o nnose;' o ka bo o lopile ene, mme o ka bo a go nositse metsi a a tshedileng."

Mosadi a mo raya a re: "Morena, ga o na se o gang ka sone, mme sediba se boteng, mme metsi a a tshedileng ao, o a tsere kae?"

A o mogolo go feta rraetsho Jakobe, yo o re neileng sediba se, le ene a nwa mo go sone, le bomorwawe, le dikgomo tsa gagwe?"

Jesu a mo fetola a re, "Mongwe le mongwe yo o nwang metsi a, o tlaa ba a nyorwa gape:

Mme le fa e le mang yo o tlaa nwang metsi a ke tlaa a mo nosang, ga a ketla a tlhola a nyorwa gope; metsi a ke tlaa a mo nosang a tlaa tswa motswedi wa metsi mo go ene, a a tswelelang botshelong jo bo sa khutleng.

Mosadi a mo raya a re: "Morena, a ko o nnose metsi ao, gore ke se ka ka tlhola ke nyorwa, le fa e le go tsamaya mosepele o molele wa go tla kwano go ga.

Jesu a mo raya a re: "Ya o bitse monna wa gago, mme o tle kwano.

Mosadi a mo fetola a re: "Ga ke na monna.

Jesu a mo raya a re, O buile sentle, wa re ga o na monna,

gonne o kile wa nna le banna ba le batlhano; mme yo o nang nae gompieno ga se monna wa gago; moo o boletse ka boammaaruri.

Mosadi a mo raya a re, "Morena, ke a lemoga fa o le moperofeti.

Borraetsho ba ne ba obama mo thabeng e; mme lona lwa re, Jerusalema ke gone kwa batho ba tshwanetseng go obama teng.

Jesu a mo raya a re, "Mosadi, ntumela, lobaka lo etla lo lo se ketlang lo obamela Rara ka lone mo thabeng e, le fa e le mo Jerusalema.

Lona lo obamela se lo sa se itseng; rona re obamela se re se itseng; gonne poloko e tswa mo Bajuteng.

mme lobaka lo etla, le gompieno lo fitlhile, lo baobamedi ba ammaaruri ba tlaa obamelang Rara ka lone, ka Mowa le ka boammaaruri; gonne Rara o batla ba ba ntseng jalo go nna baobamedi ba gagwe.

Modimo ke Mowa; mme ba ba o obamelang ba na le go o obamela ka mowa le ka boammaaruri.

Mosadi a mo raya a re: "Ke a itse fa Mesia a tla, yo o bidiwang Keresete; e tlaa re ene a tsile o tlaa re bolelela dilo tsotlhe.

Jeso a mo raya a re: "Nna yo ke buang nao, ke nna ene."

Mo go Tshenolo 15:3 ya re,

"Mme Ba bo ba opela sefela sa ga Mošhe motlhanka wa Modimo, le sefela sa ga KWANA, ba re, "Ditiro tsa gago di dikgolo di bile di kgakgamatso, Morena, Modimo, Mothatayotlhe; ditsela tsa gago di shiamo le boammaaruri, Kgosi ya metlha."

A le a e bona? KWANA, Moperesiti yo o Mogolo a tshwere madi a gagwe a tetanyo mo setulong sa mautlwelobothoko a dibe tsa rona ke Morena Modimo Mothatayotlhe. Eo ke yone Ofise ya gagwe mo bogompionong. Seo ke sone se a se dirang gone mo bogompionong, a re kopela maitshwarelo a dibe tsa rona ka madi a gagwe. Mme letsatsi lengwe Kwana eo e tla fetoga e nna Tau ya Letso la ga Juta. O tla tla ka maatla le kgalalelo mme a tla a tsaya taolo go busa jaaka Kgosi. Ke Kgosi e e tlang mo lefatsheng le. Le gale, moo ga go reye gore ga se Kgosi mo bogompionong. Gonne ke Kgosi ya rona, Kgosi ya Baitshepi. Gompieno ke puso ya semowa. Ga se ya tsamaiso ya lefatshe le fela jaaka re se batho ba lefatshe leno. Ke lone lobaka la gore re bo re itshwara ka pharologanyo le lefatshe. Boagedi jwa rona bo kwa legodimong. Re kaya Mowa wa lefatshe le re tsaletsweng sesha mo go lone kwa Jeso eleng Kgosi. Ke sone se basadi ba tumelo ya rona ba sa apareng dilwana tsa banna kana ba kgaola moriri wa bone kana ba dirisa metako ya difatlhego le dilo tse dingwe tse lefatshe le di ratang thata. Ke sone se banna ba tumelo ya rona ba sa nweng ditagi le go goga le go tswelela mo sebeng. Taolo ya rona ke taolo e e busang godimo ga sebe gape a kgarametswa ka thata ya maatla mo Moweng o o mo go Morena Jeso Keresete O o nnang mo go rona. Bogosi bongwe le bongwe mo lefatsheng bo tsile go phatlaladiwa, mme jwa rona botsile go sala bo eme.

Jaanong re ntse re bua ka bodiredi le ditshupeggo tsa Modimo o mongwe fela wa nnete gape re bona kgalalelo ya Gagwe mo thutong ya dikwalo. Mme ga a tshwanelwa ke go itsewe ka kitso ya botlhale jwa tlhologanyo. O itse ka Semowa; ka tshenolo ya Semowa. Ene yo o tshwanang Yo o neng a itsiwe e le Jeso morago ga mmele wa gagwe boela kwa go nneng pilara ya molelo. Mme o solofeditse gore o tlaa tla gape mme a nne magareng ga batho ba Gagwe a le mo Moweng. Mme ka letsatsi la Pentekosete pilara eo ya molelo e ne ya fologela fa tlase mme ya ikgaganya ya nna diteme tsa molelo mo mongweng le mongwe wa bone. Modimo o ne a dira eng? O ne a Ikgaoganya ka kerekeng, a naya banna le basadi bao karolo ya Gagwe. O ne a ikgaoganya magareng ga kereke ya Gagwe jaaka a ne a buile gore o tla go dira.

Johane 14:16-23,

"Mme ke tlaa rapela Rara, mme o tlaa lo naya Mogomotsi o sele, gore a nne le lona ka bosakhutleng;

Tota le Mowa wa Boammaaruri, O lefatshe le sa ka keng la o amogela; gonne ga le O bone, lefa e le go O itse: mme lona lo a O itse; gonne o ntse mo go lona, mme o tlaa nna mo go lona.

Ga nketla ke lo tlogela lo le masiela fela: ke tlaa tla kwa go lona.

E tlaa re ka pelenyana, lefatshe le bo le sa tlhole le Mpona; mme lona lo bo lo ntse lo Mpona: e re ka ke tshedile, le lona lo tlaa tshela.

E tlaa re mo letsatsing leo lo tlaa itse fa Ke le mo go Rre, le lona mo go nna, le Nna mo go lona.

Yo o nang le ditaolo Tsame, a di tshegetsatsa, ke ene yo o Nthatang, mme yo o Nthatang, o tlaa ratwa ke Rre, le Nna ke tlaa morata, mme Ke tlaa mo Ipontsha.

Jutase eseng Isekariote a mo raya a re, Morena, go dirafetse jang ka O tlaa ipontsha rona, mme e seng lefatshe?"

Jeso a mo fetola a re, Fa motho a nthata, o tlaa tshegetsa mafoko Ame: mme Rre o tlaa mo rata, mme Re tlaa tla mo go ene, Re dira bonno jwa rona mo go ene."

O rile O tla rapela Rre Yo o tla romelang Mogomotsi yo mongwe Yo o neng a setse a NA le bone (barutwana) mme A SE MO GO bone. Ene e le Keresete. Mme mo temaneng ya masome mabedi le boraro, o ne a bua ka ga Ene le Rre, o ne a re RE tlaa tla. Ke eo: "Mowa o etla, Mowa o ne o o Tshwanang wa Modimo o o neng o bonagala jaaka Rara, le jaaka Morwa, mme o santse o tla bonagala mo bontsing"—MODIMO A LE MONGWE Yo e leng Mowa.

Ke sone se e leng gore ga gona motho yo o ka tlang mme are motho yo o boitshepho ke mopapa kana motho yo o boitshepho ke mobishopo kana moperesiti. MOTHO yo o BOITSHEPHOT ke Keresete, Mowa o o Boitshepho, mo go rona. Boiteledipele bo raya jang ga bo bolela gore phuthego ga e na mafoko ape a e ka a buang? Mongwe le mongwe o na le sengwe se a ka se buang. Mongwe le mongwe o na le tiro, mongwe le mongwe o na le bodiredi. Mowa o o Boitshepho o ne wa tla kwa Pentekosete mme wa Ikgaoganyetsa mo mongweng le mongwe wa bone, gore go diragadiwe fa Jeso a neng a re,

"E tlaa re mo letsatsing leo lo tlaa itse fa Ke le mo go Rre, le lona mo go Nna, le Nna mo go lona."

Johane 14:20.

KE NTSE YO KE NTSENG YO MOGOLO, Modimo Mothatayotlhe, o tsile a le mo Moweng go tlatsa kereke ya Gagwe ya boammaruri. O na le thata ya go tsamaela gongwe le gongwe kwa a go batlang, le mo go ope fela yo A batlang go tsamaela mo go ene. Ga re bate go dira ope "motho yo boitshepho" mo magareng ga rona, mme phuthego yotlhe ya nnete ya Morena e boitshepho, ka ntata ya boleng teng jwa Mowa o o Boitshepho. Ke Ene, Mowa o o Boitshepho, o o boitshepho, eseng phuthego ka boyone .

Jaanong eo ke yone tshenolo: Jeso Keresete ke Modimo. Jehofa wa Kgolagano e Kgologolo ke Jeso wa Kgolagano e Ntshá. Go sa kगतlhalesege gore o le ka thata jang, ga o kake wa rurufatsa gore go na le Medimo e MERARO. Mme gape go tsaya tshenolelo ka Mowa o o Boitshepho go go dira gore o tlhologanye nnete ya gore O Mongwe. Go tsaya tshenolo go bona gore Jehofa wa Kgolagano e Kgologolo ke Jeso wa Kgolagano e Ntshá. Satane o ne a kukunela mo kerekeng mme a fuofatsa batho gore ba seke ba lemoga nnete e. Mme fa ba ne ba fuofadiwa gore ba se ka ba lemoga nnete, gone ga seka ga nna lobaka go fitlhelela Kereke ya kwa Roma e emisa go kolobetsa mo Leineng la Morena Jeso Keresete.

Ke dumela gore go tsaya tshenolo tota gotswa ko Moweng o o Boitshepho go bona boammaruri ka ga Bomodimo tota mo malatsing ano fa releng mo gare ga tshokamiso ya Ditemana tse di ntsi. Mme kereke e e fenyang, kereke e e fenyang e agilwe mo tshenolong jalo re ka solofela gore Modimo a re senolele Nnete ya gagwe. Le fa gontse jalo, ga o tlhoke tshenolo ka go kolobediwa ka metsi. E foo e papametse ego lebile mo matlhong. A go ka kgonagala gore ka motsotso baaposetole ba bo ba gogelwa gosele go tswa mo taelong e e tlhamaletseng ya Morena go kolobetsa mo Leineng la Rara le Morwa le Mowa o o Boitshepho mme foo ba bo ba fitlhelwa ba le mo botlhokakutlong jwa ka bomo? Bane ba itse gore Leina e ne e le mang, ebile ga gona gope mo Ditemaneng fa ba neng ba kolobetsa ka tsela epe fela fa e se mo Leineng la ga Morena Jeso Keresete. Fa o dirisa tlhologanyo e tla go supegets a gore Lokawalo la Ditiro ke kereke e diragatsa, mme fa bane ba kolobetsa ka tsela e e ntseng jalo, go raya gore ke yone tsela e go kolobediwang ka yone. Jaanong fa o akanya gore moo go bokete, o akanyang ka se? Ope fela yo o neng a sa kolobediwang mo Leineng la Morena Jeso Keresete, o ne a tshwanelwa ke go kolobediwa gape.

Ditiro 19:1-6, "Mme ga diragala gore ga Apolose a sa ntse a le kwa Korinthe, ga dirala ya bo Paulo a fitlha mo Efeso, a raletse lefatshe ntheng ya godimo, a fitlhela barutwa bangwe teng, A ba raya a re, A e rile lo dumela a lo ne lwa amogela Mowa o o Boitshepo? Mme ba mo raya ba re, ga re ise re utlwe gore go na le Mowa o o Botshepo o o neiwang. Mme a a ba ra ya a re, Ana lo kolobeleditswe eng?" Mme ba re, Ka Kolobetso ya ga Johane. Jalo Paulo a re, Johane o kolobeditse ka kolobetso ya boikwatlhao, a raya batho a re ba dumele mo go Ene yo o tlaa tlang morago ga gagwe, e bong mo go Jeso Keresete. E rile ba sena go utlwa jalo, ba kolobediwa mo ineng la Morena Jeso. Mme ya re Paulo a sena go ba baya diatla, Mowa o o Botshepo wa tla mo go bone; mme ba bua ka diteme, ba ba ba perofesa. Ke yone eo. Batho ba ba siameng ba kwa Efeso ba ne ba utlwaletse ka gotla ga ga Mesia. Johane o ne a Mo rerile. Ba ne ba kolobeleditswe boikwatlhaong jwa dibe, ba LEBELETSE gotla go dumela mo go Jeso. Mme jaanong e ne e le nako ya go lebelela kwa MORAGO kwa go Jeso mme ba kolobediwe ka kolobetso ya phimolo ya dibe. E ne e le nako ya go amogela Mowa o o Boitshepho. Mme erile fa ba kolobediwa mo Leineng la ga Morena Jeso Keresete, Paulo on ne a ba baya diatla mme Mowa o o Boitshepho o ne wa tla mo go bone.

Oo, batho bao ba ba rategang ba kwa Efeso, ba ne ba siame; mme fa go ne gona le mongwe yo o neng a na le tshwanelo ya go ikutlwela a sireletsegile, e ne e le bone. Elatlhoko gore ba tswa kgakala jang. Ba dule kgakala go fitlhelela ba amogela Mesia yo o tlang. Ba ne ba Mo ipaakanyeditse. A mme ga le bone gore lefa gontse jalo ba ne ba seka ba mo lemoga? O ne a tla mme a tsamaya. Bane ba

tshwanelwa ke go kolobediwa mo Leineng la Morena Jeso Keresete. Ba ne ba tshwanelwa ke go tladiwa ka Mowa o o Boitshepho.

Fa o kolobeditswe mo Leineng la Morena Jeso Keresete, Modimo o tla go tlatsa ka Mowa wa Gagwe. Seo ke Lefoko.

Mo go Ditiro 19:6 fa re sa tswang go bala teng Tenana ya teng e ne e le tiragatso ya Temana e e mo Ditiro 2:38,

“Ikwalhaeng, mongwe le mongwe wa lona a kolobelediwe boitshwarelo jwa dibe tsa lona, mo Leineng la ga Jesu Keresete; mme lo tlaa amogela neo ya Mowa o o Boitshepo.”

Le a bona, Paulo, ka tlhotlheletso ya Mowa o o Boitshepho, a bua sone se Petere a neng a se bua ka tlhotlheletso ya Mowa. Mme se se neng sa buiwa GA SE KAKE sa fetolwa. E tshwanetse ya bo e le e e tshwanang go tswa kwa Pentekoseta go fitlhelela mokgetlhwa wa bofelo a kolobediwa.

Mo go Bagalatia 1:8,

“Le fa e ka bo e le rona, kgotsa e le moengele yo o tswang legodimong, fa a ka lo rerela mafoko a a molemo a sele, kwa ntle ga a re a lo reretseng, a a hutsege.”

Jaanong bangwe ba lona ba le dumelang mo Bonweng kolobetso ya lona e fosegile. Le kolobetsa go ntšhafatdiwa jaaka o kare go tibisiwa mo metsing go ne ga le boloka. Ntšhafatso ga e tle ka metsi; ke tiro ya Mowa. Motho yo ka Mowa o o Boitshepho a neng a fa taelo a re, “Ikwalhaeng mme le kolobediwe mongwe le mongwe wa lona mo Leineng la ga Morena Jeso Keresete,” taelo ga e ise ere metsi ao a ne a ntšhafatsa. O rile e ne e le bosupi fela ja “go nna le segakolodi se se phepa ko Modimong.” E ne e le gone fela.

Mo go Petere wa ntlha, 3:21,

“A le one a re bolokang gompiano, ka fa setshwanong sa ammaaruri, e bong kolobetso, (e seng go tloswa ga leswe la nama, fa e se karabo ya segakolodi se se siameng, kwa Modimong,) ka go tsoga ga Jesu Keresete,”

Ke a e dumela .

Fa gona le mongwe yo onang le megopolo e eseng yone e ditso di ka rurafatsang kolobetso ya metsi ka tsele e nngwe go na le mo Leineng la Morena Jeso Keresete, ke ka gofa kgakololo ya go bala ditso mme o itemogele. Se se latelang ke boammaruri jo bo kwadilweng ka Kolobetso e e neng ya diragala kwa Rome A.D.100 (morago ga botsalo ja ga Jeso) gape go gatisitswe mo Makasineng o o bidiwang TIME wa Sedimonthole 5, 1955. “Motiakone o ne a tsholetsa letsogo la gagwe, mme Publius Decius o ne a tswa ka lebati la lefelo la kolobetso. Morekisi wa dikgong yo o bidiwang Marcus Vasca o ne a eme mo metsing mo letlangwana la go thuma metsi a mo eme mo dinokeng. O ne a nyenya jaaka Publius a tsena mo letangwana la go thuma go bapa le ene. 'Credis?' a botsa. 'Tumelo,' Publius a araba. 'Ke dumela gore poloko yame e tswa mo go Jeso eleng Keresete, Yo oneng a bapolwa ka puso ya ga Ponto Pilato. Ke ne ka swa le Ene gore ke nne le Botshelo jo bo sa Khutleng le Ene; Jalo o ne a utlwa a tshageditswe ke matsogo a a nonofileng jaaka a ne a itlogela a wela ka sammamorago mo letamong la go thuma, mme a utlwa lentswe la ga Marcu mo tsebeng ya gagwe lere —'Ke go kolobetsa mo Leineng laga Morena Jeso Keresete—jaaka a ne kapeswa ke metsi a a tsididi.”

Go fithelela gone kwa nnete e neng ya latlhega (mme ga e a ka ya boa go fithelela nako eno ya bofelo—ke go tswa kwa Nicaea go fithelela bofelelo jwa lekgolo la dingwaga) ba ne ba kolobetsa mo Leineng la ga Morena Jeso Keresete. Mme e buile. Satane ga a kake a tshetsa tshenolo fa Mowa o batla go e fa.

Ee, fa go ne go na le Medimo e meraro, o ka nna wa kolobetsa ka Rara, le Morwa, le Mowa o o Boitshepho. Mme TSHENOLELO E E FILWENG JOHANE e ne e le gore gona le MODIMO A LE MONGWEFELA mme Leina la Gagwe ke MORENA JESA KERESETE, mme o ka kolobeletsa mo MODIMONG A LE MONGWEFELA. Ke sone se Petere a neng a kolobetsa ka tsela e a neng kolobetsa kwa Pentekosete. ne a tshwanelwa ke go sala boammaruri jwa tshenolo eneng e le teng, “Ke gone a botlhe ba ntlo ya Iseraele ba itsetse ruri, fa Modimo o dirile Ene JESO YO O TSHWANANG, e bong ene yo le mmapotseng, eleng MORENA LE KERESETE.” Ke yoo, “MORENA JESO KERESETE.”

Fa e le gore Jeso ke Morena gape ke Keresete, jalo ke Ene (Jeso), mme ga a kake a nna se sele fa e se “ Rara, Morwa, le Mowa o o Boitshepho” mo Mothong a le MONGWE a bonafaditswe mo nameng. GA SE “ Modimo mo bathong ba bararo, boraro jo bo segofaditsweng,” mme MODIMO A LE MONGWE, MOTHO A LE MONGWE ka ditlhogo tse tlharo, le ka bodiredi jo bo raro jo bo bonafatsang ditlhogo tseo. E reetse gape. Jeso e ne yo o tshwanang ke “ Morena gape ke Keresete.” Morena (Rara) le Keresete (Mowa o o Boitshepho) keJeso, ka gore Ene (Jeso) ke BOBEDI jwa bone (Morena le Keresete).

Fa moo go sa re bontshe tshenolo ya boammaaruri ya Modimotota ga gona se se tla e supang. Morena GA SE yo mongwe; Keresete GA SE yo mongwe. Jeso yo ke Morena Jeso Keresete—MODIMO A LE MONGWE.

Letsatsi le lengwe Filipino o ne a raya Jeso a re, "Morena, re supegetse Rara mme go tla re kgotsofatsa." Jeso a mo ra ya a re, "A ke gore ke ntse le lona lobaka lo lo kanakana, ga o ise o nkitse? Yo o mponyeng o bonye Rara; o bua jang, wa re: 'Re bontshe Rara? Nna le Rara re Motho a le Mongwe.'" Ke ne ka umaka seo nako nngwe mme mosadi mongwe a bo a re, "Iketle motsotso, Rre Branham, wena le mosadi wa gago le motho a le mongwe."

Ka bo ke re, "Eseng ga mofuta oo."

O ne a re, "Intshwarele?"

Jalo ka mo raya ka re, "A o a mpona?"

A bo a re, "Ee."

Ka bo ke re, "A o bona Mosadi wame?"

A bo a re, "Nyaa."

Ka bo ke re, "Jalo he bongwefela joo ke jwa mofuta o o farologanyeng, ka gore O ne A re, Fa le Mpona, le bona Rara."

Moperofeti o ne a re go tla nna lesedi mo nakong ya phirimane. Mo sefeleng go kwadilwe gore:

"Go tla nna lesedi mo nakong ya phirimane,
E le ruri o tla bona tsela ya go ya kgalalelong,
Mo meeleng ya metsi, ke lone lesedi gompiano,
Ba kolobeditswe ka leina la Morena Jeso la tlhwatlhwa.
Basha le bagolo, ikotlhaeng mo dibeng tsa lona tsotlhe,
Mowa o o Boitshepho o tla tla mo go lona ruri.
Lesedi la phirimane le tsile—
Ke boammaaruri jwa gore Modimo le Keresete ke motho a le mongwe."

Mo lebakeng le le seng le leele ke ne ke bua le Rabi wa Mojuta. O ne a nthaya a re, "Lona Baditshaba ga le kake la rerela Mojuta gore Modimo o gararo. Re itse botoka go gaisa moo."

Ka bo ke mo ra ya ke re, "Go ntse fela jalo Rabi, ga re kgaoganye modimo gararo. Le dumela baperofeti, a kere?"

O ne a re, "E le ruri ke a dumela."

"A le dumela Isaia 9:6?"

"Ee."

Moperofeti o ne a bua ka ga mang?"

"Mesia."

Ka bo ke re, "Mesia o tsalana jang le Modimo?"

A bo a re, "E tla bo e le Modimo."

Ka bo ke re, "Go ntse jalo." Amene.

Ga o kake wa kgaoganye Modimo go nna batho ba le bararo kana dikarolo tse tharo. Ga o ka ke wa bofelele Mojuta gore go na le Rara, le Morwa, le Mowa o o Boitshepho. O tla go fetola ka bofele go go itsise gore kakanyo eo e dule kae. Bajuta ba itse thuto e gore e ne ya simololwa kwa Nicene Council. Ke sone se ba re sotlang bare re baheitane.

Re bua ka Modimo yo o sa fetogeng. Bajuta le bome ba dumela jalo. Mme kereke e fetotse Modimo wa yone yo o sa fetogeng go tswa mo go nneng MONGWE go nna BARARO. Mme lesedi le a boa mo pririmaneng. Go gakgamatsa jang gore nnete e e tsile ka nako e Bajuta ba boelang kwa Palestine. Modimo le Keresete ke motho ale MONGWE. Jeso yo ke MORENA LE KERESETE.

Johane o ne a na le tshenolo, mme JESO e ne e le yone Tshenolo, mme o ne a Itira moTemaneng gone fa —"KE Ene Yo oneng A le, Yo o gape Yo o Tlang, Modimothatayotlhe. Amene."

Fa o sa kgone go tlhaloganye tshenolo, leba kwa Modimong o mo kope go go fa tshenolo. Ke yone tsela fela e e leng gore o tla nna le tshenolelo ka yone. Tshenolo e tshwanetse go tswa kwa Modimong.

Ga e ke e tla ka motho, ka bokgoni jwa tlhologo, mme ka bokgoni jwa Semoya. O kgona go gakologelwa Ditemana, le fa moo go le molemo, mme ga go kake ga go fa tshenolo. E tshwanetse ya nna tshenolo go tswa kwa Modimong. Lefoko lare ga gona motho ope yo o ka reng Jeso ke Keresete fa e se ka Mowa o o Boitshepho. O tshwanelwa ke go amogela Mowa o o Boitshepho mme ke gone, Mowa o ka go fang tshenolelo ya gore Jeso ke Keresete: Modimo, Yo o Tloditsweng.

Ga gona motho yo o itseng dilo tsa Modimo ga e se ka Mowa wa Modimo le ko go ene yo Mowa wa Modimo o mo senolelang. Re tshwanelwa ke go rapela re kope tshenolelo ya Modimo go feta sepe fela mo lefatsheng. Re amogetse Baebele, re amogetse boammaruri jo bogolo jwa yone, mme e santse e se ka mmatota mo bathong bale bantsi ka gore tshenolo ka Mowa wa Modimo ga e yo mo go bone. Lefoko ga le ise le tsosoloswe. Baebele mo go 2 Bakorithe 5:21 gore rona re nne tshiammo ya Modimo ka kgolagano le Jeso Keresete. A le tlhalogantse? Ya re RETSHIAMO YA MODIMO KA BOENE ka go bo RE LE MO GO KERESETE. Ya re Ene (Jeso) o ne a nna SEBE boemong jwa rona. Ga e re o ne a leofa, mme o ne a re nnela SEBE gore ka tshwaragano ya rona le Ene re bo re nna TSHIAMO ya Modimo. Fa re amogela kgang (mme re tshwanetse) ya gore tota o ne a re nnela SEBE ka go nna mo maemong a rona, jalo he re tshwanetse ra amogela gape kgang ya gore rona ka tshwaragano le Ene re fetogile go nna YONE TSHIAMO ya Modimo. Go gana e le nngwe ke go gana e enngwe. Go amogela e le nngwe ke go amogela le enngwe. Jaanong re a itse gore Baebele ya rialo. Ga e ka ke ya ganwa. Mme tshenolo ya yone e a tlhaela. Ga e a tlhomama mo bontsing jwa bana ba Modimo. Ke temana e e siameng fela mo Baebeleng. Mme re tshwanelwe ke gore re nne le yone e TSHEDISIWE mo go rona. Moo go tla tsaya tshenolo.

Mme ke latlhele sengwe fa se se tla le gakgamatsang gape se le thuse. Ga gona moithuti yo o sa dumeleng gore Kgolagano e Ntshá e ne e le mo puong ya Segerika kwa tshimologong. Baithuti ba bagolo ba rona ba Baebele ba re Modimo o file lefatshe ditshaba tse dikgolo tse tharo ka diabe tse tharo tse dikgolo ka ntata ya Efangele. O ne a fa Bagerika ba ba neng ba a fa puo ya lefatshe ka kakaretso. O ne a re fa Bajuta ba ba re fileng tumelo ya nnete le kitso ya nnete ya Modimo ka Mmoloki. O ne a re fa Baroma ba ba re fileng mmusomogolo o o kitlanyeng ka molao le tsamaiso ya ditsela tse di kgolo. Jalo re na le tumelo ya nnete, puo go e bolelela batho ba bantsi, le goromente le ditsela go e gasa e rerwa ka senama. Mme fa re bua mo ditsong se se lebega se le nnete tota. Mme mo nakong eno baithuti ba Magerika ba re puo ya Segerika ya malatsi a Baebele e itekanetse gape e tlhomame mo eleng gore moithuti wa Segerika yo o tlhokoditsweng a tsepame o kgona go itse ka nnete se Kgolagano e Ntshá e se rutang.

A mme se ga se thuto ya tlhogo fela? A se ke nnete? A ga go a nna jalo gore moithuti wa Segerika yo o tswang mo phuthegong e e itsegegeng a ganetsanya le moithuti yo mongwe wa phuthego e nngwe, mme a ga go a nna jalo gore kganetsano ya bone e remeletse mo mafokong a Segerika a a tshwanang le melawana ya thutapuo e e tshwanang? E le ruri ke yone tsela e e ntse ka teng. Le ka nako e e fetileng ka paka ya Peregamo, pele ga Nicene Council ka ngwaga wa 325 go ne go na le baithuti ba ba golo ba ba bedi e leng, Arius le Athanasius ba ba neng ba ganeletse thata mo go diriseng dithuto tsa tumedi go lwantsha lefoko le le kwadilweng ka Segerika. Ngagisanyo e e ne e gaketse e le mogote thata e aname ka bophara jwa lefatshe mo e leng gore baithuti ba ditso ba bolela gore lefatshe le ne la kgaogannwa ka ntata ya mokgwa wa go duma ga lefoko (modumo wa ditumanosi tse pedi tse di mo nokong e le nngwe).

Jaanong ga Segerika se itekanetse jaana, gape se tlhomilwe ke Modimo, ke eng go ne go na le kgotlhang e e ntseng jalo? E le ruri Modimo o ne a sa direlela gore rotlhe re itse Segerika? Go ne mo nakong e re na le dikganetsano ka ga Segerika. Tsaya sekai ka lokwalo le la setlhogo sa, "Kereke ya ga Keresete e e Latlhegetsweng ke Maatla e Bonesitswe" e e kwadilweng ke Dr. McCrossan. Mo go yone o umaka dikinolo tse dintsi tsa barutintshi ba thutapuo ya Segerika, mme a rurufatsa ka go kgotsofala gore melao e e sa fetogeng ya thutapuo ya Segerika e rurufatsa gore Baebele e ruta gore motho o kolobediwa ka Mowa o o Boitshepho morago ga tsalo e Ntshá. Gape o bolela a gana ka papamalo gore basadi ba ka rera mo pulopiteng ka gore lefoko go perofesa le raya go rera. A mme o kgonne go dira baithuti ba bangwe ba Segerika ba banang le bokgoni jaaka ene go dumela? Ga a ka a kgona. Se o tshwanetseng ke go se dira ke go bala se baithuti ba ba ganetsanyang le ene mme o utlwe dikinolo tsa bone.

Jaanong se ke sa tswang go se bua gasa nnete fela, mme a re gateleng pele. Mo nakong eno re na le baithuti ba ba bolelang gore mekwalo ya ntlhantlha e ne e kwadilwe ka puo ya SeArabea se e neng e le puo ya ga Jeso le batho ba nako ya gagwe. Go bolelwa ke bone gore batho ba ne ba sa buwe gape ba sa kwale ka Segerika jaaka gone go tlwalesegile. Mme kgang ke gore baithuta ditso ba rona ga ba dumalane ka bommogo mo go seo. Go fa sekai, Dr. Schonfield, wa moithuti wa motlhalefi ka dipatisiso tsa gagwe o rurufaditse ka kgotsafalo gore Kgolagano e Ntshá e ne e kwadilwe ka puo ya Segerika e e neng e buiwa ke batho ba nako eo. O ikaegile ka go dirisa dipampiri tse di kwadilweng le dibuka tse di farologanyeng tse a nang le tsone go nonotsha kgang ya ditumelo tsa gagwe se a se dumelang. Mme ka fa letlhakoreng le lengwe re na le moithuti yo o itsegegeng, e leng Dr. Lamsa, yo o dumelang gore Kgolagano e ntsha e kwadilwe ka puo ya Searabea mme ga a na ope yo o gaisang moithutaditso yo o

botlhale, yo o bidiwang, Toynbee, go mo eteetsa le go tlatsa kgang ya gagwe gore Searabea, mme ESENG SEGERIKA e ne e le puo ya batho, jalo go lebega gona le kgonagalo ya gore Kgolagano e Ntshá e ne e kwadilwe ka Searabea ko tshimologong.

Le fa go ntse jalo, pele ga re tshwenyega thata ka se, a re baleng DiBaebele tseo ka bobedi ya King James version le e e ranotsweng ke Dr. Lamsa. Mo kgatlhegong ya rona re fitlhela mafoko mo ditlhanoding tse ka bobedi a tshwana mo go gakgamatsang gore go se ka ga nna le pharologanyo mo ditennyeng kana mo thutong. Re ka feletsa re re Modimo o ne a letlelela dikwalo tse di sa tswang go bonwa mo bosheng le dikgatiso tsa mo bosheng tsa mekwalo e e setseng e itsege go re re e bone go rurufatsa boammaruri le boikanyego jwa se re neng re setse re na le sone. Mme re fitlhela gore lefa baranodi ba ka ganetsanya, mme mekwalo ga e ganetsanye.

Jaanong o ka kgona go bona gore ga o kake wa ikaega ka tlhanolo ya kitso e kgolo ya baithuti ba puo e Baebele e kwadilweng ka yone. Mme ga o ntse o sa kgone go lemoga moo ka gore o siregile mo tlhaloganyong ke ngwao jaanong setshwantsho sa bofelo ke se. Ga go na yo o ka belaelang gore Bakwadi le Bafarasai le baithutintshi ba ba golo ba ngwaga wa 33 A.D. ba ne ba itse melao ya thutapuo le ditlhaloso tsa mafoko a Kgolagano e Kgologolo e kwadilweng ka one; mme ka kitso eo ya maemo a a kwa godimo ba ne ba latlhegelwa ke tshenolo ya Lefoko le le solofeditsweng la Modimo le le neng la bonafala mo Morweng. Foo o ne a tlhomilwe go simolola mo go Genesise go ya kwa go Malaki, ka dikgaolo tsothle di neetswe mo go ene le bodiredi jwa Gagwe, mme fela ga e se ba ba neng ba sekaenyana ba ba neng ba sedimosetswa ke Mowa, o ne a ba latlhegela gotlhelele.

Jaanong re tla kwa bokhutlong, eleng bokhutlo jo re sentseng re bo bone mo Lefokong. Le fa re kabo re dumela go le kae mo go lekeng go batla dikwalo tsa ntlhantlha go re re kgone go nna le mokwalo wa Lefoko wa nnete fa go kgonafala, ga re ketla re nna le tlhaloso ya nnete ka go ithuta le go tshwantshanya Ditemana, le fa re ka bo re tlhwaafetse go le kae. GO TLA TSAYA TSHENOLO GO TSWA KWA MODIMONG GO E TLISA . KE SONE TOTA SE PAULO A NENG A SE BUA A RE, "E LE DILO TSE RE BILENG RE DI BUA, E SENG KA MAFOKO A RE A RUTWANG KE BOTLHALE JWA MOTHO, MME E LE A A RUTWANG KE MOWA O O BOITSHEPO." I BakorInthe. 2:15. Tshenolo ya nnete ke Modimo a ranola Lefoko la Gagwe ka go tlotlomatsa se a se solofeditseng.

Jaanong o seka wa letlelela ope a go latlha ka se ke se buileng mme o bo akanya gore ga ke dumele mo tshiamong ya Lefoko le re nang le lone gampieno. Ke dumela gore Baebele e tlhomame. Jeso o ne a tlhomamisa Kgolagano e kgologolo ka botlalo fa a ne a le fano mo lefatsheng mme e ne e rulagantsswe jaaka Kgolagano e Ntsha. O seka wa dira phoso ka ga seo, re na le Lefoko la Modimo le le ikanyegang le itekanetse mo nakong eno mme ga gona motho yo o ka le kang go tsaya kana a le tlatse. Mme re tlhoka Mowa o o tshwanang o o neng wa le fa , gore o le re rute.

Oo, re tlhoka tshenolo ka Mowa jang. Ga re tlhoke Baebele e ntshá, ga re tlhoke tlhanolo e ntshá, le fa ntswa go na le tse di siameng thata, mme ga ke kgatlhanong le tsone, MME RE TLHOKA TSHENOLO YA MOWA. Mme re leboga Modimo, re ka nna le se re se tlhokang, go nne Modimo o batla go re senolela Lefoko la Gagwe ka Mowa wa Gagwe

E kete Modimo o ka simolola ka Mowa wa Gagwe go refa botshelo jo bo tseweletseng le tshenolo ya phenyo. O, fa kereke e ne e ka amogela tshenolo e ntshá mme ka yone ya nna Lefoko le le tshelang le le bonafaditsweng, re ne re ka dira ditiro tse di kgolo le go galaletsa Modimo Rara yo o kwa legodimong.

Re golotswe go tswa mo sebang

Tshenolo 1:5,

"Go Ene Yo o re ratileng, gape a re tlhatswitseng mo dibeng tsa rona ka madi a Gagwe."

Lefoko "tlhatswitse" ka tota ke "golotswe"—"O re golotswe mo dibeng tsa rona ka madi a Gagwe." A seo ga se molemo? A mme le na le ditlhaloganyo tsa semowa? A le tlhalogantse? E ne e le madi a Gagwe a a re golotseng ka botlalo mo dibeng tsa rona. Ene e se madi a motho. E ne e le madi a Modimo. Petere o ne a a bitsa madi a ga Keresete. Paulo o ne a a bitsa madi a Morena, le madi a ga Jeso. Eseng batho ba le bararo, mme motho a le MONGWE. Gona le tshenolelo e o gape, ya Modimo a le Mongwe. Jehofa Modimo yo o wa mothatayotlhe o ne a fologela fa tlase mme o ne a Itirela mmele ka tsela ya go tsalwa ke lekgarejwana le le neng le ise le itse monna mme a nna mo go lone, gore e nne madi a Modimo a a tla re gololang (a re golola ka botlalo) go tswa mo dibeng gape a ba a re supa fa pele ga Gagwe re sena selabe ka boipelo jo bo golo.

A le batla gore ke le fe tshwantsho ya se go tswa mo Kgolaganong e Kgologolo? A re boeleng gape kwa Tshimong ya Etene. Fa dikgang tsa ntlha di ne tsa tla di thubega kwa kgalalelong gore morwa, ebong Atame, o latlhegile, a Modimo o ne a romela moengele? A o ne a romela morwa? A o ne a romela yo mongwe yo o tshwanang le rona? Nyaa, O ne a tla ka BOENE, go tla go rekolola morwa yoo yo o latlhegileng. Hallelujah! Modimo o ne a seka a baya tshepho ya Gagwe ya poloko mo mothong yo

mongwe. O ne a baya tshepho fela mo go Ene ka sebele. Modimo o ne a dirwa nama mme a nna magareng ga rona mme a re ithekolela. Re bolokilwe ka "madi a Modimo". Modimo yo o senag Bokhutlo o nna a agile mo mmeleng wa setho o o bolang gore a tlose dibe. O ne a nna Kwana gore a tsholole madi a Gagwe le go tsena mo sesirong ka one.

Akanya se. Ka gore ke madi a Modimo, ke madi a a itekanetseng; mme fa madi a a itekanetseng a re golola mo dithateng tsa botshwaro le mo go leswafetseng ga sebe, jalo he go gololwa go itekanetse gape go feletse. Jaanong he ga gona tshekiso epe.

"Ke mang yo o tla bonang bakgethwa ba Modimo molato? Ke Modimo yo o siamisang (o re bolela re siame) Ke mang e ne yo o sekisang? Ke Keresete yo o suleng..."

Baroma 8:33-34.

Ke yone eo, Loso la Gagwe le re file madi. Madi a re golotse. Jaanong ga gona tshekiso. E ka nna jang? Ga gona sepe se re ka se sekisetwang, ka go nne madi a re golotse mo sebeng. Re gololesegile, ga re na molato. O seka wa reetsa motho, reetsa Lefoko. O golotswe ka madi.

Jaanong o seka wa bofelelwa gape ke dingwao le dithuto le makoko. O seka wa latlhwa ke go reetsa ba ba ganetsang maatla a Lefoko gape ba ganetsa gore Jeso o a boloka, o a fodisa, o tlatsa ka Mowa o o Boitshepho le maatla. Le batho ba Modimo ba ba gololesegileng, ba golotswe ke madi a Gagwe. Fa o santse o beile tumelo ya gago mo dithutong le diphuthago, go papametse gape ke bosupi jwa gore o latlhegetswe ketumelo Mo Lefokong.

Dikgosi le Baperesiti.

Tshenolo 1:6,

"Mme a re dira go nna bogosi le go nna baperesiti ba Modimo wa gagwe le Rraagwe; A kgalalelo e nne go ene, le puso ka bosakhutleng le ka bosangkae. Amen."

"O re dirile!" O, go na le boammaaruri bongwe jo re tshwanetseng go bo gatelela. Se ke nngwe ya jone. O! O RE DIRILE! Poloko ke tiro ya gagwe. Poloko ke ya Morena. Gotlhe ke ga tshegofatso. O na le lebaka la gore a bo a re rekotse. O na le lebaka la go bo a re rekile. Re dikgosi, dikgosi tsa semowa. O, re tsile go nna dikgosi mo lefatsheng le Ene fa A nna mo Setulong sa bogosi sa Gagwe. Mme jaanong re dikgosi tsa semowa mme re busa mo pusong ya semowa.

Mo go Baroma 5:17 ya re,

"Gonne e ka re fa loso lo laotse ka yo mongwe fela, ka ntlha ya tlolo ya yo mongwe fela yoo; bogolo thata ba ba amogelang letlotlo la tshegofatso le la neo ya tshiamo, ba tlaa busa mo botshelong ka yo mongwe fela, e bong Jesu Keresete."

Mme mo go Bakolosa 1:13, yare,

"Yo o re golotseng, a re ntsha mo thateng ya lefifi, a re tloagantshetsa mo bogosing (busa) jwa Morwa wa Gagwe yo o rategang."

Go ne jaanong re busa le Keresete, o na le thata mo sebeng, mo lefatsheng, mo nameng, le mo go diabole. Re supe poko ya gagwe le kgalalelo; a supa ka BOENE, gonne ke Keresete mo go rona, a rata gape a dira mo go mo kgathisang. Ee, ka nnete, le gone jaana re ntse mo mannong a selegodimo mo go Keresete Jeso.

"Mme O re dirile Baperesiti." Ee, baperesiti mo go Ene, ba fa kgalalelo ya semowa ka dipounama tse di itshepitsweng. Matshelo a rona re a dirisa jaaka sethabelo sa lenko le le monate kwa go Ene. Re mo obamela ka Mowa le ka Boammaaruri. Re rapelela dikopo tsa bangwe ka rona le go isa mekokotlelo. Baperesiti le Dikgosi tsa Modimo wa rona. Ke sone se lefatshe le sa re kgatlheng gape re batho ba ba farologanyeng ba ba tlhaga mo ditirong tse di molemo. Re tsetswe sesha mo go Ene go nna bana ba ga Rara wa rona.

Modimo yo o tlang.

Tshenolo 1:7,

"Bonang, o etla a le mo marung; matlho otlhe a tlaa mmona, le ba ba mo tllhabileng; le ditso tsothle tsa lefatshe di tlaa mo leba di lela. Fela jalo, Amen.

O etla. Jeso o etla. Modimo o etla. Moperofeti o etla. Moperesiti le Kgosi o etla. Ene yo o mo go TSOTLHE o etla. Le fa go ntse jalo, Morena Jeso, tlaa ka pela. Amene.

O etla. O e tla mo marung, maru a kgalalelo jaaka fa A ne a bonwa kwa godimo ga thaba e e

bidiwang Mount of Transfiguration, mme diaparo tsa gagwe di ne di phatsima jaaka maatla a Modimo a mo apesitse. Mme leitlho LENGWE LE LENGWE le tla Mmona. Seo se raya gore se ga se Tlhatlogo. Fa ke fa a tla go tsa ya maemo a tshwanelo a gagwe jaaka Mmusi wa Lefatshe. Fa ke fa bao ba ba Mo tlhabileng ka ditumelo le dithuto tsa makoko a diphuthego ba tlaa lelang, le batho botlhe ba tla lelang ka kutlobothoko le bohutsana ka lebaka la Ene yo eleng Lefoko.

Se ke polelo ya tshenolelo e e mo go Zechariah 12:9-14. Sakaria o ne a porofesa se mo dingwageng tse di ka nnang 2500 tse di fetileng. Go tloga go dirafala. Reetsang.

“Go tlaa dirala mo motlheng oo, go re, ke tlaa batla go senya merafe yotlhe e e tlaa tlang go tllhasela Jerusalema.

“Mo go ba ntlo ya ga Dafite, le mo banning ba Jerusalema, ke tlaa gorometsa mowa wa tshegofatso le wa thapelo; ba tlaa leba nna yo ba ntlhabileng, mme ba tlaa mo lelela jaaka motho a tle a lelele morwawe yo o esi, ba tlaa nna pelo e e galakegang ka ga gagwe, jaaka motho a tle a galakegele ngwana wa gagwe wa motsalwapele pelo...”

Jaanong, Efangele e tsile go boela mo Bajuteng leng? Fa letsatsi la Baditshaba le fedile. Efangele e setse e ipaakanyeditse go boela kwa Bajuteng. O, fa ke ne ke ka le bolelela sengwe se se tlogang se diragala gone mo nakong e ya rona. Selo se segolo se se tlogang se dirafala se tla fetelela kwa go Tshenolo 11 mme re bo re bua ka basupi bao ba ba bedi, baporofeti ba babedi, Moshe le Elija, ba busetsa Efangele kwa Bajuteng. Re go ipaakanyeditse. Sengwe le sengwe se eme ka maemo a sone ka thulaganyo. Mme fa Bajuta ba tliša molaetsa kwa Baditshahabeng, le Baditshaba ba tla o tsaya ba o busetsa kwa Bajuteng, mme Tlhatlogo e tla diragala

Jaanong gakologelwang se re sa tswang go se bala mo go Tshenolo le Sakaria. Tsotlhe di tla morago ga pitlagano. Kereke ya motsalwapele ga e tsene mo pitlaganong. Seo re a se itse. Baebele e ruta seo.

Ka nako eo gatwe Modimo o tsile go tshela Mowa wa gagwe mo ntlong ya Iseraele. K e Mowa o o tshwanang o o neng wa tshelwa mo Baditshabeng ka nako ya bone. “Mme ba tlaa leba nna yo ba ntlhabileng, mme ba tlaa mo lelela jaaka motho a tle a lelele morwawe yo o esi, ba tlaa nna pelo e e galakegang ka ga gagwe, jaaka motho a tle a galakegele ngwana wa gagwe wa motsalwapele. Mo motlheng oo go tlaa nna selemo se segolo mo Jerusalema, jaaka selemo sa Hatatarimone mo molapong wa Megitone. Lefatshe le tlaa lela, losika longwe le longwe lo le losi; losika lwa ba ntlo ya ga Dafite lo le losi, le basadi ba bone ba le bosii; losika lwa ba ntlo ya ga Nathane lo le losi, le basadi ba bone ba le bosii....” mme nngwe le nngwe ya matlo a le nosi ga a tla mo marung a kgalalelo ka Gotla ga Bobedi ga Gagwe. Bajuta bao ba ba mo tlhabileng ba tliša mmona jaaka go bolelwa mo Temaneng e nngwe, “ O tsera kae dinto tseo?” mme o tliša re, “Mo ntlong ya ditsala tsame.” E tliša bo e se fela nako ya selemo ya Bajuta ba ba neng ba mo gana ele Mesia, mme e tliša bo e le nako ya selemo ya Baditshaba bao ba ba Itaa bong ba setse ba ba neng ba mo gana e le Mmoloki mo nakong eno.

Go tliša bo go le selemo le kuruetsa. Makgarebane a a robetseng ba tliša bo ba kuruetsa. Ba emetse kereke e e ganneng go nna le lookwane (eleng setshwantsho sa Mowa o o Boitshapho) mo diponeng tsa bone (eleng setshwantsho sa selwana se se tliša tshegetsang lookwane la bone) go fitlhelala go nna thari. E ne e se gore e ne e le batho ba ba sa siamang. Ene e le makgarebane gape seo se supa gore ba ne ba le boitsholo jo bo tlotlegang jo bo ko godimo. Mme ba ne ba sena lookwane mo diponeng tsa bone jalo bane ba latlhelwa kwa ntle kwa go neng go na le kuruetsa le phuranyo ya meno.

A re tshwantsheng gotlhe mo go Genesise, kgaolo ya bo 45, fa Josefa a ne a kopana le barwarraagwe kwa Egepeto mme a ba itshenolela. Genesise 45:1-7, “Jalo Josefa o ne a seka a kgona go itshwara fa pele ga bone botlhe ba ba neng ba eme fa go ene; mme o ne a lela, Ntshang banna botlhe ba tswe fa go nna. Mme go ne go sena ope yo o neng a ema le ene, fa Josefa a iketsise bomorwa rraagwe . Mme o ne a lelela kwa godimo: mme Baegepeto le ba ntlo ya ga Faro ba ne ba utlwa. Mme Josefa a raya barwarraagwe, a re, Ke Josefa; a rre o santse a tshela? Mme bomorwa rraagwe ba ne ba seka ba kgona go mo araba; gonne ba ne ba tshwenyegile ke mmona. Mme Josefa a raya barwarraagwe a re,Ke kopa gore le nkatamele. Mme ba mo atamela. Mme o ne a re, Ke Josefa morwaraalona, yo le neng la mo rekisa kwa Egepeto. Jaanong ka jalo le seka la utlwa botlhoko, kana le itenegelele, gore le ne la nthekisa go ne kwa,: Gonne Modimo o nthumile kwa pele ga lona gore ke boloke botshelo. Mo dingwageng tse pedi tse leuba le neng le le mo lefatshe: mme go na le dingwaga tse tlhano, tse go tliša sekeng go nne le letsema le fa e le go roba. Mme Modimo o nthometse fa pele ga lona go boloka losika la lona mo lefatsheng, gape le go boloka matshelo a lona ka kgololo e kgolo.”

Jaanong a moo ga go tshwane ka botlalo le Sakaria 12? Fa o di kopanya ka bobedi re tshwanetse go tswa ka sengwe se se siameng.

fa Josefa a ne a santse a le monnye o ne a tlhoilwe ke bomorwaraagwe. Ke eng a ne a tlhoilwe ke bomorwa raagwe? Ke ka gore o ne a le Semowa. O ne a sa kgone go thibela go bona diponatshegelo tseo, kana go thibela ditiro le go di ranola. Seo se ne sele mo go ene. O ne a sa kgone go supa sepe

fela fa ese se se neng sele mo go ene. Jalo he, fa bomorwa rraagwe ba ne ba mo tlhoile go ne go sena lebaka. Mme e ne e le moratwa wa ga rraagwe. Rraagwe e ne e le moperofeti gape o ne a tlhologanya. Moo go dira tshwantsho e e itekanetseng ya ga Keresete. Modimo Rara o ne a rata Morwa, mme bomorwaraagwe (Bakwadi le Bafarasai) ba ne ba mo tlhoile ka gore o ne a kgona go fodisa balwetse, a dira metlholo gape le go bolelelapele isagwe, a bona diponatshegelo le go di ranola. Seo e ne e se lebaka la gore ba bo ba mo tlhoile mme ba ne ba dira jalo, mme fela jaaka bomorwaraagwe Josefa, ba ne ba mo tlhoetse lesidi.

Jaanong gakologelwang barwa bao ba ga Jakobe ka fa baneng ba tshwara Josefa ka teng. Ba ne ba mo latlhela mo mosimeng. Ba ne ba tsaya kobo ya gagwe ya mebala e rraagwe a neng a mo e file mme ba e tibisa mo mading go dira gore rragwe a akanye gore mosimane o ne a bolailwe ke sebatana sengwe. Ba ne ba mo rekisetsa bangwe ba barekisi ba makgoba ba ba neng ba mo tsaya ba tsamaya le ene kwa Egepeto kwa ba neng ba morekisetsa ramasole. Mme mosadi wa ga ramasole o ne a bua se eseng nnete ka ga ene mme a felela a isitswe kwa kgolegelong, mme ka bokgoni jwa gagwe jwa go nna moperofeti bone jwa dira gore Faro a mo lemoge morago ga nako, mme o ne a tsewa a nna mothusa faro, maemo a a ne a le kwa godimo mo eleng gore go ne go sena ope yo o neng a ka tla go bua le Faro a sa tsaya tetla mo go Josefa.

Jaanong a re sekasekeng botshelo jwa ga Josefa fa a ne a nna kwaEgepeto, ka gore ke gone fa fa re mmonang a le sethwantsho se se itekanetseng sa ga Keresete. Fa a santse a nna kwa ntlung ya ga ramasole o ne a patelediwa molato o a neng a sa o dira, o ne a otlhaiwa mme a tsengwa mo kgolegelong, jaaka fela ba ne ba dira Jeso. Koo kwa kgolegelong o ne a ranola tora ya motshola phafana wa ntlo le moapei wa borotho ba ba neng ba le magolegwa le ene. Motshola phafana wa ntlo o ne a gololwa a busetswa mo botshelong, mme yo mongwe a atlholelwa loso a swa. Keresete o ne a le mo kgolegelong kwa mokgorong, o ne a latlhilwe ke Modimo le motho. Mo letlhakoreng lengwe le lengwe la Gagwe go ne go na le legodu—yo mongwe a swa, mo semoeng, mme yo mongwe o ne a fiwa botshelo. Mme elangtlhoko, fa Jeso a ne a ntshiwa mo mokgorong, O ne a tsholelediwa kwa legodimong mme jaanong o ntse mo letsogong le legolo la Mowa o mogolo wa ga Jehofa; mme ga gona motho yo o ka tlang kwa Modimong ntleng le gotsena ka Ene. Go na le motshereganyi a le MONGWE magareng ga Modimo le batho, mme ke gone gotlhe mo o go tlhokang. Ga go na bo Marea kana baitshephi, fa e se Jeso.

Fa re tswelela ka tshwantshanyo e re fitlhela Josefa, elangtlhoko ka fa sengwe le sengwe se a neng a se dira kwa Egepeto se neng se atlega. Tiro ya gagwe ya ntlha le ramasole e ne ya atlega. Le kgolegelo e ne ya atlega. Fa Jeso a boa, sekaka se tla thunya jaaka sethunya sa sesese. Ke Ene "Morwa wa Katlego." Jaaka go ne go sena paka epe e e neng ya atlega jaaka e e neg e okametswe ke Josefa, jalo go na le nako e ditshegofatso tse di ntseng jalo di tlaa tlang mo lefatsheng jaaka lefatsho le ise le itse. Mongwe le mongwe wa rona o kgona go nna ka fa tlase ga setlhare sa gagwe sa mofeige mme ra tshega gape ra ipela mme ra nnela ruri mo bolengteng jwa gagwe. Mo bolengteng jwa Gagwe gona le boipelo gape mo letsogong la Gagwe le legolo go na le tse di jesang monate ka bosakhutleng. A Modimo a bakwe.

Jaanong elangtlhoko, gore lefelo lengwe le lengwe le Josefa a neng tsena teng ba ne ba letsa terompeta fa a goroga. Batho ba ne ba kua bare, "Obamelang Josefa ka mangole!" Go sa kgatlhalesege gore motho o ne a dira eng, fa terompeta eo e ne e lela o ne a obama ka mangole. O ka tswa a le mo mmileng a rekisa sengwe, a santse a re o tsaya madi a gagwe, mme o ne a tshwanelwa ke go ema mme a bo a inama a bo a khubama ka lengole fa a utlwa terompeta e lela. fa a ne a le motshamiki wa dibaesekopo kana modiragatsi, o ne a tshwanelwa ke go emisa se a se dirang mme a bo a obela Josefa mangole, fa a utlwa terompeta e e bolelang gore Josefa o etla. Mme lengwe la malatsi a sengwe le sengwe sa nako se tla ema fa terompeta ya Modimo e lela, mme baswi ba ba swetseng mo go Keresete ba tla tsoga mme letsatsi le tla thabela ruri ka bosakhutleng. Sengwe le sengwe se tla oba mangole, gone go kwadilwe,

"Ka jalo he Modimo o setse A mo tlotlomaeditse kwa godimo, mme a mofa Leina le le fetang maina otlhe;

Gore mangole otlhe a khubame ka leina la ga Jesu, e bong a dilo tse di kwa legodimong, le a dilo tse di mo lefatsheng, le a dilo tse di kwa tlase ga lefatsho;

Le gore diteme tsotlhe di bolele fa Jesu Keresete e le Morena, kgalaletsong ya Modimo Rara."

Bafilipi 2:9-11.

Mme elangtlhoko tshenolelo e nngwe e e itumedisang mo tshwantshanyong e ya ga Josefa. Josefa, fa a ne a santse a le kwa Egepeto, o ne a fiwa monyadiwa eleng mosadi wa Moditshaba mme ba ne ba nna le bana ba basimane ba babedi, eleng Iferaime le Manase. Josefa o ne a kopa rraagwe go segofatsa basimane ba babedi. O ne a ba baya fa pele ga ga Jakobe gore Manase, eleng motsalwapele a nne ka fa letlhakoreng la moja la ga Jakobe le Eferaima a le mo letlhakoreng la gagwe la molema. Fela fa Jakobe a

re o a ba segofatsa a bo a fapaanya mabogo a gagwe gore letsogo la moja la bo le ya ka kwa go yo monnye. Josefa a goela kwa godimo a re, "Nyaa eseng jalo rre, motsalwapele o ka fa mojeng wa gago." Mme Jakoba a mo ra ya a re "Modimo o fapaantse matsogo a me." Tshwantsho e re e bonang fa ke gore ditshegofatso tse di neng di le tsa motsalwapele (eleng Bajuta) di ne tsa fiwa yo mmotlana (eleng Moditshaba) ka sefapaano (ka go faapaanya matsogo) sa Morena Jeso Keresete. Tshhegofatso e tla ka sefapaano eleng mokgoro. Bagalatia 3:13-14, "Keresete o re rekolotse mo phutsong ya molao, ka a diregile phutsego mo boemong jwa rona: gonne go kwadilwe ga twe, Go hutsegile mongwe le mongwe yo o pegilweng mo setlhareng; Gore ditshegofatso tsa ga Aberahame di tle Baditshabeng ka Jeso Keresete; gore re amogele tsholofetso ya Mowa ka tumelo. Ditshegofatso tsa ga Aberame di tsile ka mokgoro kwa Baditshabeng. Bajuta ba ne ba gana mokgoro; ka jalo Jeso o ne a itseela Monyadiwa wa Modichaba.

Jaanong fa re boela kwa polelong ya ga Josefa a kopana le bomorwarraagwe. Le gakologelwa gore borwaaraagwe ba ne ba sa tla botlhe Josefa o ne a itse seo mme a gatelela gore bomorwarraagwe botlhe ba iponafatse fa pele ga gagwe, eseng jalo o ne a ka seke a ba ikitsise. Kwa bofelong ba tsisa yo o neng a seo, mmotlana Benjamine. E ne e le mmotlana Benjamine, yo e neng e le ene tota morwarraagwe wa ga mmaagwe le rraagwe, moo go ne ga itumedisa pelo ya gagwe fela thata. Mme fa Josefa wa rona, eleng Jeso, a tla kwa bathong ba ba neng ba tshegetsa ditaello tsa Modimo le ba ba neng ba boela kwa Palasetina, pelo ya gagwe e tla tlala ka boitumelo. Mmotlana Benjamine ke tshwantsho ya Baiseraele ba ba 144,000 ba ba neng ba boela thekololong ya bone kwa Palasetina gotswa kwa mafelong a a farologanyeng a lefatshe ka bophara. Ba tla bo ba eme koo ba ipaakanyeditse go Mo amogela, Yo o eleng gore go mo itse sentle ke Botshelo jo bo sa khutleng. Ba tla re, "Yo ke Modimo wa rona yo re neng re mo emetse." Jalo ba tla Mmona Ene Yo ba neng ba mo tlhaba. Mme ba tla lela ka khutsafalo, "O tsere kae dintho tse di maswe tse? Go ne go diragetse jang?" Mme ba tla kuruetsa gape ba lela, lelapa lengwe le lengwe le le nosi, mongwe le mongwe a le nosi a le mo botlhokong jo bo gamolang pelo jwa mahutsana.

Jaanong Kereke ya Baditshaba e tla bo e le kae fa Jeso a Ikitsise barwaraagwe? Gakologelwang gore monyadiwa wa ga Josefa le bana ba gagwe ba babedi ba ne ba le kwa ntlung ya bogosi, gonne Josefa o ne a laotse a re, "A mongwe le mongwe a tswa fa tlase game ; ba ntshe botlhe fa tlase game." Jalo monyadiwa wa Moditshaba o ne a fithilwe kwa ntlung ya bogosi. Kereke ya Baditshaba e tlaabo e ya kae ka tlhatlogo? Mo ntlung ya bogosi. Monyadiwa o tla tsewa gotswa mo lefatsheng. O tla bo a tlhaltogile a ya go kopana le Morena mo phefong fa godimo pele ga nako ya pitlagano. Ka sebaka sa dingwaga tse tharo le sephatlo fa bogale jwa Modimo bo tshololelwa kwa ntle, o tla bo a le kwa moletlong o mogolo wa Selalelo sa Lenyalo la Kwana. Gotswa foo a o tla boa, a tlogela monyadiwa wa gagwe mo "ntlung ya ga Rraagwe," fa a iketsise barwaraagwe. Mo nakong e, kgolagano ya moganetsakereste e Bajuta ba e dumalaneng le Roma e tla senngwa. Roma le makoko a gagwe ba romela masole go senya botlhe Bajuta ba ba boifa Modimo, ba ba obamelang Lefoko.

Mme fa ba tla go tlasela toropo go e senya, mo marung go tla bonafala tshupo ya go tla ga Morwa Motho a na le batlhabani ba gagwe ba bagolo ba tla go nyeletsa ba ba ntseng ba senya lefatshe. Fa mmaba a sena go kgoromelediwa kwa ntle, Jeso o tla bo a tla a itshupa mo go ba ba 144,000. Ka ba ne ba setse ba bonye ditiro tse dikgolo tsa gagwe tsa poloko, ba tsile go itse maatla a gagwe. Mme gape fa ba bona dintho tsa gagwe ba itse gore ba ne ba mo gana le ka yone nako eo, go ba dira gore ba lele ka khutsafalo le letshogo le poifo, fela jaaka barwarraabone ba dirile ba bogologolo fa ba ne ba eme fa pele ga ga Josefa, ka letshogo le legolo la gore ba tsile go bolawa. Mme fela jaaka Josefa a buile a re, "Le seka la itenegelela. Gotlhe gosiamme. Modimo o ne a le mo go tsotlhe. O godireletse go boloka botshelo." Le fa go ntse jalo Jeso o tla bua kagiso le lorato mo go bone.

Ke eng Bajuta ba ne ba gana Jeso? Modimo one a le mo go gone gotlhe. E ne e le yone tsela fela e a neng A ka ntsha monyadiwa wa Moditshaba. O ne a swela mo mokgorong go sereletsa botshelo jwa Kereke ya Baditshaba.

Jaanong ba ba 144,000 ga ba mo palong ya monyadiwa. Mo go Tshenolo 14:4 ba bidiwa makgarebane gape ba sala Kwana morago gongwe le gongwe kwa A go yang. Lobaka la gore ba ne ba ise ba ileswafatse ka basadi go supa gore ba ne ba le baopafadiwa (Mathaio 19:12). Baopafadiwa ba ne bale batlhokomela matlwana a banyadiwa. Ba ne ba le batlhokomedi. Elatlhoko gore ga ba nne mo setulong sa bogosi mme ba fa pele ga setulo sa bogosi. Nyaa, ga ba mo palong ya monyadiwa, mme ba tla bo ba le mo pusong e e itumedisang ya sekete sa dingwaga.

Re lemoga gore fa masalela a Baiseraele ba sena go kopanngwa le Morena, gape le mmaba a sena go nyelediwa, Modimo o tla baakanya thaba ya gagwe e e boitshepo, Etene ya Gagwe e ntsha ya monyadiwa wa gagwe le batlhokomedi ba Gagwe ka dingwaga tse di seke tsa boitumelo morago ga lenyalo mo lefatsheng. Jaaka Atame le Efa ba ne ba le kwa tshimong mme ba bo ba sa feleletsa dingwaga tse di sekete, jaanong Jeso eleng Atame wa rona wa bofelo le Efa wa gagwe (Kereke ya Nnete) o tla diragatsa thulaganyo yotlhe ya Modimo.

Oo, ka fa Baebele e ipoeletsang ka teng. Setshwantsho sa ga Josefa le bomorwa-rraagwe se gaufi le

go boelediwa, gonne Jeso o etla ka bonako.

Mme fa re tswa mo tshwantshong ya ga Josefa, go na le selo sele sengwe gape se ke batlang go se le sedimosetsa ka ga nako e ya bofelo. Le gakologelwa gore jaaka Josefa a ne a ema fa pele ga bo morwa-rraagwe fa Benjamin a ne a sena le bone o ne a bua a tolokelwa le fa entswa a ne a itse Sehebere fela thata. O ne a bua le bomorwa-rraagwe ka puo e sele. A le itse gore paka ya ntlha ya Baditshaba (eleng tlhogo ya gaouta, ene ele paka ya Babilona) e ne ya felela e tswa ka molaetsa o le mo ditemeng tse di neng di kwadilwe mo lekomeng? Paka e le yone e felela ka tsela e e tshwanang. Diteme tse di ntsi mo pakeng eno ke thurufatso ya gore Dinako tsa Baditshaba di fedile mme Modimo o boela kwa Baiseraeleng.

O etla ka bonako. Alefa le Omega, Moperofeti, Moperesiti le Kgosi, Yo o Botlalo, Morena Modimo wa Masomosomo, o etla ka bonako. Le fa gontse jalo tlaa Morena Jeso, Ene a le Esi Modimo yo o Boammaaruri, tla ka bofelo!



www.messagehub.info

Thero Ka

William Marrion Branham

"... Mo Metlheng ya Lentswe la Moengele wa Bosupa ..." Tshenolo
(10:7)